

**Ilanngussaq 3**

Ilmenitisorfik

**Inuiaqatigiinni tunngaviusumik****paasissutissat**

ISN-imut ilanngussaq

**Ilanngussap imarisai**

<b>1</b>	<b>Inuiaqatigiinni tunngaviusumik paasissutissat</b>	<b>3</b>
<b>2</b>	<b>Inuiaqatigiit agguataarnerisa allaatigisaanerat</b>	<b>3</b>
2.1	Inuit amerlassusaat	3
2.2	Inuiaassuseq, ukioqqortussuseq aamma suaassutit agguataarnerat	8
2.3	Inuit nuuttarnerisa nalilersornerat	9
<b>3</b>	<b>Aningaasaqarneq</b>	<b>12</b>
3.1	Nuna tamakkerlugu aningaasaqarneq	12
3.2	Akileraarutit aamma pisortat aningaasartuutaat	13
3.3	Niuerneq	15
3.4	Kalaallit Nunaanni aatsitassanik isumalluutininik paaaneq	17
<b>4</b>	<b>Inuuniarnermi aningaasartuutit aamma ineqarniarnermi pissutsit</b>	<b>18</b>
4.1	Inuup aningaasarsiai	18
4.2	Inuuniarnermi aningaasartuutit	19
4.3	Taartigiinnermik tunngaveqarluni "aningaasaqarneq"	20
<b>5</b>	<b>Niuernerup aaqqissugaanera</b>	<b>21</b>
<b>6</b>	<b>Suliffeqarnermi pissutsit</b>	<b>23</b>
6.1	Suliffeqarnermi pissutsit pioreersut	23
6.2	Suliffissaaleqineq	24
<b>7</b>	<b>Ilinniartitaaneq</b>	<b>27</b>

7.1	Aaqqissuussaangitsumik ilinniarneq	30
<b>8</b>	<b>Peqqinnissaq</b>	<b>31</b>
8.1	Akuersissuteqarfimmi innuttaasut peqqissusaat	34
<b>9</b>	<b>Oqaatsit aamma kulturi</b>	<b>37</b>
<b>10</b>	<b>Pinngortitamik aamma nunamik atuineq</b>	<b>37</b>
10.1	Moriusaq	38
10.2	Akuersissuteqarfimmi itsarsuarnitsanik missuinermi nassaat	39
<b>11</b>	<b>Inuiaqatigiinni ajornartorsiutit</b>	<b>39</b>
11.1	Pinerluttuliortarneq	39
11.2	Angerlarsimaffeqanngitsuuneq	41
11.3	Ikiaroorartunik/imigassamik atornerluineq	41
11.4	Eqimattakkaat mianernartut	42
<b>12</b>	<b>Ataqatigiinnermut aaqqissuussinerit</b>	<b>43</b>
12.1	Assartuineq	43
12.2	Innaallagissamik pilersuineq	44
12.3	Imissaq	44
12.4	Nalunaarasuartaatitigut attaveqarneq	44
<b>13</b>	<b>Najoqqutassat</b>	<b>45</b>

# 1 Inuiaqatigiinni tunngaviusumik paasissutissat

Allakkiap matuma, inuiaqatigiinnik tunngaviusumik paasissutissat, Dundas Ilmenitimik Suliniutip sanaartornermi killiffia sioqqullugu pissutsit allaaserai.

Tunngaviusumik paasissutissat siunertaraat, innuttaasulerinermut paasissutissanik pilersuineq assinganillu aningaasaqarnermut pissutsit ineriartornerillu, politikkikkut ilutsit, sumiiffinni aaqqissuussinerit, kulturikkut ilisarnaatit, aamma pissutsit allat, Suliniummit naatsorsuutigineqartumik allannguutit nassatarineqartut inuiaqatigiinnut assigiinngitsumik sunniuteqarsinnaanerannut paasissutissiinissaq. Tunngaviusumik paasissutissat aammattaaq siulittuutigissavaa, Suliniutip pissutsinit taakkunannga qanoq sunnertissinnaanera.

Tunngaviusumik paasissutissanik misissuinerit, paasissutissanik pingaannginnernik misissuinerit, paasissutissanillu pitsaassutsinut iliutsinit pissarsiat ataqatigiissinnerinik tunngaveqarput.


Inuiaqatigiinnik tunngaviusumik paasissutissat allakkiami matumani saqqummiunneqartut maannakkut pissutsinik allaaserinnipput, kisianni suliniummit tunngaviusumik paasissutissanut sunniutaasinnaasunik misissueqqissaanngilaq. Misissueqqissaarnerit taakku ISN-imut nalunaarusiami saqqummiunneqarput.


## 2 Inuiaqatigiit agguataarnerisa allaatigisaanerat

### 2.1 Inuit amerlassusaat


Januaarip aallaqqaataani 2018-imi, Kalaallit Nunaanni inuiaqatigiit 55.877-inik amerlassuseqarsimapput. Soorlu Takussutissiaq 1-imi takuneqarsinnaasoq, inuiaqatigiit ukiuni qulini kingullerni amerlassusaata allanngornerat killeqarsimavoq, kisianni ikiliartorlutik. 2008-p aamma 2018-ip akornanni inuiaqatigiit 1%-ip missaanik ikileriarsimapput. Inuiaqatigiit amerlassusaata allanngornerat nuuttarnernut isikkuannut attuumassuteqarluarput, taakku itinerusumik immikkoortoq 2.3-mi allaaserineqarput.

Innuttaasut amerlassusiannut missingersuutit Kalaallit Nunaanni Naatsorsueqqissaartarfimmit suliarineqartut ersersinneqarput






*Takussutissiaq 2-mi, aamma ersersitsipput Kalaallit Nunaanni innuttaasut amerlassusiat 2040 nallerpat 6 %-it missaannik 2017-imi killiffinnut naleqqiullugit ikileriasasut.*




*Takussutissiaq 1: Kalaallit Nunaanni inuit amerlassusiat (Pissarsiffik: Kalaallit Nunaanni Naatsorsueqissaartarfik, BEXST1)*



*Takussutissiaq 2: Inuit amerlassusiannut missingersuut 2017-2040 (Pissarsiffik: Kalaallit Nunaanni Naatsorsueqqissaartarfik, BEXTPROG)*

Kalaallit Nunaat kommuninut tallimanut aamma Kalaallit Nunaata avannaani kangiani Nuna allanngutsaaliukkamut agguarneqarsimavoq. Januaari 2018 tikillugu sisamanik kommuneqarsimavoq, Avannaata aamma Qeqqata kommunia ataasiulluni kommuniusimagami Qaasuitsup Kommunianik taaguuteqarluni. Takussutissiaq 3-p ataani takussuserneqarpoq kommunit tallimat killeqarfii aamma Nuna allanngutsaaliugaq.



*Takussutissiaq 3: Kalaallit Nunaata nunap assinga (Pissarsiffik: Kalaallit Nunaat kisitsisunngorlugu 2018)*

Ilmenitisorfik Avannaata kommuniani inissimavoq, Qaanaamit 80 km-it kujataaniilluni. Ungasinngitsukkut Qaasuitsup Kommuniata avinneqarnera pissutaalluni, Avannaata kommunianut kisitsisunngorlugit paasissutissat pissarsiassat killeqarput. Tamatuma kinguneranik, Qaasuitsup Kommuniusimasumit kisitsisunngorlugit paasissutissat ilaatigut nunap ilaanik tunngaviusumik pissutsinik allaaserinninnermut atorneqassapput.

Kalaallit Nunaanni innuttaasut amerlassusiat assigiinngiaartumik kommunit tallimat akornanni agguataarneqarsimapput. Soorlu Nalunaarsuiffik 1-imi takuneqarsinnaasoq, Kommuneqarfik Sermersooq amerlanerpaanik innuttaqarpoq; Kalaallit Nunaanni innuttaasut 40,7 %-ii tassani najugaqarput. Nuuk, Kalaallit Nunaanni illoqarfiit pingaarnersaat, Kommuneqarfik Sermersuumi inissimavoq, aamma inuit 18.000-it tikingajallugit najugaqarfigaat.

Avannaata Kommunia januaarip aallaqqaataani 2018-imi, 10.584-inik inoqarsimavoq, aamma Kalaallit Nunaanni kommunit innuttaasoqarnerpaat tullerivaa. Nalunaarsuiffik 2-mi Avannaata Kommuniani innuttaasut siaruarsimanagerat ersersinneqarpoq. Inuit amerlanerpaat kommunip kujataani najugaqarput, illoqarfinni Ilulissani, Uummannaq aamma Upernavimmi, imaluunniit eqqaanni nunaqarfinni. Qaanaami imaluunniit nunaqarfiit pingasuusut ilaanni, Savissivimmi, Siorapalummi aamma Qeqertani inuit 753-it najugaqarput.

Soorlu Takussutissiaq 3-mi ersersinneqartoq, Qaanaaq illoqarfiuvoq Kalaallit Nunaanni avannarpasinnerpaq aamma Kalaallit Nunaata sinneranit avinngarusimavoq. Qaanaap illoqarfia Ilmenitisorfik 80 km-it avannaani inissisimavoq, aamma Thule Air Basemut, Amerikamiut Silaannakkut Illersornissamut Sakkutooqarfianut qanittumi inissisimavoq.

Qaanaamut Qaanaamillu angalanissaq taamaallaat timmisartorluni pisinnaavoq. Sapaatip akunneranut ataasiarluni timmisartoqartarpoq. Qaanaami<sup>1</sup> innuttaasut ukiuni kingullerni qulini ikiliartorsimapput. Takussutissiaq 4-mi 2008-p aamma 2018-ip akornanni innuttaasut 2%-it missaanik ikiliartornerat ersersinneqarpoq.

*Nalunaarsuiffik 1: Kommunit akornanni innuttaasut amerlassusiata agguataarnerat, 2018 (Pissarsiffik: Kalaallit Nunaanni Naatsorsueqqissaartarfik, BEXST3)*


	<b>Innuttaasut amerlassusiat</b>	<b>Innuttaasut tamarmik amerlassusiannit %-i</b>
Kalaallit Nunaat	55,877	100 %
Kommune Kujalleq	6,624	12 %
Kommuneqarfik Sermersooq	22,738	41 %
Qeqqata Kommunia	9,295	17 %
Kommune Qeqertalik	6,533	12 %
Avannaata Kommunia	10,584	19 %
Kommunit avataanni	103	0 %

*Nalunaarsuiffik 2: Avannaata Kommuniani innuttaasut amerlassusiata agguataarnerat, 2018 (Pissarsiffik: Kalaallit Nunaanni Naatsorsueqqissaartarfik, BEXSTK3)*

	<b>Innuttaasut amerlassusiat</b>	<b>Innuttaasut amerlassusiannit %-i</b>
Avannaata Kommunia	10,584	100 %
Ilulissat	4,905	46 %
Uummannaq	2,228	21 %
Upernavik	2,698	26 %
Qaanaaq	753	7 %

---

<sup>1</sup> Qaanaaq = Qaanaap illoqarfia + eqqaanilu nunaqarfiit ilanngullugit



*Takussutissiaq 4: Qaanaami innuttaasut amerlassusiat (Pissarsiffik: Kalaallit Nunaanni Naatsorsueqqissaartarfik, BEXST4)*

## 2.2 Inuiaassuseq, ukioqqortussuseq aamma suaassutit agguataarnerat

Inuit Kalaallit Nunaanni najugaqartut amerlanersaat, Kalaallit Nunaanni inuusimapput. Soorlu Nalunaarsuiffik 3-imi ersersinneqartoq, innuttaasut 90%-ii Kalaallit Nunaanni inunngorsimapput, massa 10%-ii Kalaallit Nunaata avataani inunngorsimasut. Innuttaasut Kalaallit Nunaata avataani inunngorsimasut affai sinnerlugit Kommuneqarfik Sermersuumi najugaqarput.

Nalunaarsuiffik 4-p ersersippaa, Avannaata Kommuniani inunnit 10.584-init najugaqartunit, 519-it Kalaallit Nunaata avataani inunngorsimasut, tamanna 5%-ip missaanik naleqarpoq. Kalaallit Nunaata avataani inunngorsimasut amerlanersai Ilulissani najugaqarput. Qaanaami najugallit 24-t, Kalaallit Nunaata avataani sumiiffinni allaani inunngorsimapput. Tamanna Qaanaami innuttaasut 3%-it missaanik naleqarpoq.

*Nalunaarsuiffik 3: Kalaallit Nunaanni inuiaat katitigaanerit, 2018 (Pissarsiffik: Kalaallit Nunaanni Naatsorsueqqissaartarfik, BEXST3)*


	Kalaallit Nunaanni inuusimasut (innuttaasut tamarmik amerlassusiannit %-i)	Kalaallit Nunaata avataani inuusimasut (innuttaasut tamarmik amerlassusiannit %-i)
<i>Kalaallit Nunaat</i>	90 %	10 %
Kujalleq	11 %	1 %
Sermersooq	34 %	7 %
Qeqqata	15 %	1 %
Kommune Qeqertalik	11 %	0 %
Avannaata	18 %	1 %
Avataanni kommunit	0 %	0 %



Nalunaarsuiffik 4: Avannaata Kommuniani inuiaat katitigaanerit, 2018  
(Pissarsiffik: Kalaallit Nunaanni Naatsorsueqqissaartarfik, BEXSTK3)

	Kalaallit Nunaanni inunngorsimasut	Kalaallit Nunaata avataani inunngorsimasut	Kalaallit Nunaata avataani inunngorsimasut %-i
Avannaata Kommune	10,065	519	5 %
Ilulissat	4,538	367	8 %
Uummannaq	2,145	83	4 %
Upernavik	2,653	45	2 %
Qaanaaq	729	24	3 %



Qaanaami angutit arnanit amerlanerulaartut najugaqarput. Suiaassutsit agguataarnerat taanna aammattaq Kalaallit Nunaat tamakkerlugu takuneqarsinnaavoq. Takussutissiaq 5-ip ersersippaa Qaanaami ukioqqortussutsit aamma suiaassutsit agguataarnerat. Tassani ersersinneqarpoq Qaanaami innuttaasut utoqqaanerit amerliartortut, aamma innuttaasut ilai amerlasuut 15-it inorlugit ukioqartut. Kalaallit Nunaata sinnerani ineriartornermik assingusumik ersersitsipput, uffa ukioqqortussutsit eqimattakkaarlugit assigiinngissusaat Qaanaamit ingasanginnerugaluartoq.




Takussutissiaq 5: Inuit amerlassusiannut pyramidi, 2018 (Pissarsiffik Kalaallit Nunaanni Naatsorsueqqissaartarfik, BEXSTK3).

## 2.3 Inuit nuuttarnerisa nalilersornerat


Kalaallit Nunaanni nuuttarnerit piffissami 2007-ip 2017-illu akornanni ilanngaatisat ilanngaatigereerlugit kisitsit nulimit minnerusimavoq. Soorlu



Takussutissiaq 6-imi ersersinneqartoq Kalaallit Nunaannit inuit allamut nunasisimasut amerlassusaat, Kalaallit Nunaannut inunnit nunasiartortunit amerlanerusut. Ineriartorneq taanna Kalaallit Nunaanni innuttaasut ikiliartorneranut tuniseqataavoq. 2017-imi ilanngaatisat ilanngaatigereerlugit nuttarnerit, inuit 449-inik ikinnerulersimapput.




Takussutissiaq 6-imi aamma ersersinneqarput inuit Kalaallit Nunaanni inuusimasut aamma inuit Kalaallit Nunaata avataani inuusimasut ilanngaatisat ilanngaatigereerlugit nuttarnerisa ineriartornerat. Inuit Kalaallit Nunaanni inuusimasut nuuttarneranut kisitsit nulimit minneruvoq. Tamatuma paasinarsisippaa inuit Kalaallit Nunaanni inuusimasut amerlanerit, nunanut allanut nunasiartortartut, inuit Kalaallit Nunaannut utertunut naleqqiullugit. Inuit Kalaallit Nunaata avataani inuusimasut nunasiartortartut ilanngaatisat ilanngaatigereerlugit nulip eqqaani nikerarpoq.



Takussutissiaq 6: Kalaallit Nunaanni inuit nuuttarnerat (Pissarsiffik: Kalaallit Nunaanni Naatsorsueqqissaartarfik, BEXBBIU2).


Avannaata Kommuniiani inuit nuuttarnerisa isikkua Kalaallit Nunaata sinneranut naleqqiullugu allaanerussuteqalaarpoq. Inuit kommunimit qimaguttartut, aamma nunanut allanut nuuttartut amerlassusaat, inuit Kalaallit Nunaata avataanit kommunimit nuuttartut amerlassuseqatigingajappaat. 2010-mi aamma 2017-imi inuit Avannaata Kommuniannut nutsertut amerlassusaat, kommunimit nutsertunit amerlanerusimapput. 2007-ip aamma 2017-ip akornanni Avannaata Kommuniiani

inuit nuuttarnerat ilanngaatissat ilanngaatigereerlugit 45-simapput, tamanna isumaqarpoq inuit allamut nunasiartortut 45-nik amerlanerusimasut, inuit nunasiartortut amerlassusaannut naleqqiullugit.



Takussutissiaq 7: Avannaata Kommuniiani inuit nuuttarnerat (Pissarsiffik: Kalaallit Nunaanni Naatsorsueqqissaartarfik, BEXBBIU2).

Takussutissiaq 8-mi inuit Qaanaamiit Kalaallit Nunaanni sumiiffinnut allanut aamma Kalaallit Nunaanni sumiiffinnit Qaanaamut nuuttartut ilanngaatissat ilanngaatigereerlugit amerlassusaat takussuserneqarpoq. Qaanaamut Qaanaamiillu inuit nuuttartut ukiut kingullit qulit ingerlaneranni annertuumik allanngorarsimavoq. Qaanaami nuuttarnerit 2007-ip 2017-illu akornanni inuit 132-nik ikinnerulersimapput. Inuit nuuttarnerat 2007-miit arfinillit aamma 35-inik ikileriarnerit akornanni allanngorarsimapput.




Takussutissiaq 8: Qaanaami inuit Kalaallit Nunaanni sumiiffinnut allanut allanillu nuuttarnerit (Pissarsiffik: Kalaallit Nunaanni Naatsorsueqqissaartarfik, BEXBBAF3).

## 3 Aningaasaqarneq

### 3.1 Nuna tamakkerlugu aningaasaqarneq

Soorlu Takussutissiaq 9-mi ersersinneqartoq, Kalaallit Nunaanni BNP-i tamakkiisumik ukiuni kingullerni qulini annertusisimasoq takuneqarsinnaavoq. 2016-imi Kalaallit Nunaanni BNP-i piviusoq 16 mia. kr.-it missaaniissimavoq,

inummut ataatsimut BNP-p 280.000 kr.-it missaata nalinga assigalugu. Sanilliukkaanni, Danmarkimi 2016-imi BNP-i 2.100 mia. kr.-iusimapput, inummut ataatsimut BNP-p 370.000 kr.-it nalinga assigalugu<sup>2</sup>.



Takussutissiaq 9: BNP-i piviusoq aamma ukiumoortumik BNP-ip siuariartornera (Pissarsiffik: Kalaallit Nunaanni Naatsorsueqqissaartarfik, NRX10).

### 3.2 Akileraarutit aamma pisortat aningaasartuutaat

Kalaallit Nunaanni nalinginnaasumik Naalakkersuineq pingasunut immikkoortiterneqarsimavoq; kommuneqarfinnut, Naalakkersuisunut aamma qitiusumik Naalakkersuisunut. Nalinginnaasumik Naalakkersuisut aningaasaqarnerat ukiut tamaasa inatsisit tunngavigalugit isumaqatiginninniutigineqartarput. Qitiusumik Naalakkersuisoqarfimmi immikkoortunut ilaapput, ingerlatat suli toqqaannartumik Danmarkimi Naalagaaffimmit aqunneqartut aamma aningaasartalersorneqartut.<sup>3</sup> Inatsisitigut killissarititat pillugit paasissutissat amerlanerit takuneqarsinnaapput Ilanngussaq 2-mi, *Inatsisitigut aqutsinermilu killissarititat*.

Inuiaqatigiinnik kiffartuussinerit amerlanerit innuttaasunut suliffeqarfinnullu akeqanngitsumik periarfissaapput.<sup>4</sup> 2017-imi Kalaallit Nunaanni pisortaqaarfinni aningaasartuutit 11 mia. kr.-it missaaniissimapput. Soorlu

Takussutissiaq 10-mi ersersinneqartoq, aningaasartuutit pingajorarterutingajaat inuiaqatigiit illersugaanerannut atorneqarsimapput, tamanna ilaatigut nuussinernut allanut, soorlu utoqqalinerimut, suliffeqannginnerimut aamma inissaqarnermut attuumassuteqartunut nuussinernut atorneqarsimapput. Kalaallit Nunaanni aningaasartuutit annersaasa tullia tassaavoq ilinniarnernut aningaasartuutit. 2017-imi aningaasartuutit tamakkerlugit 20%-iisa missaat ilinniarnernut aningaasaliinernut atorneqarsimapput. Kalaallit Nunaanni Namminersorlutik Oqartussat aamma Ineriartortitsinermut Pilersaarut pissutigalugu, ilinniarneg annertuumik ukkatarineqarsimavoq, pissutigalugu tamanna pilersaarummi sammisat sisamaasut ilaattut ataatsit ilaatinneqarmat<sup>5</sup>.

Takussutissiaq 10-p aamma ersersippaa pisortat aningaasartuutaat ukiuni kingullerni qulini annertusiartorsimasut.

<sup>2</sup> (Danmarks Statistik)


<sup>3</sup> (Kalaallit Nunaanni Kisitsisit 2018)

<sup>4</sup> (Kalaallit Nunaanni Kisitsisit 2018)


<sup>5</sup> (Aningaasaqarnermut Akileraartarnermullu Naalakkersuisoqarfik, 2017)

**Takussutissiaq 11**-mi Kalaallit Nunaanni pisortaqarfiit ukiuni qulini kingullerni isertitaqataat ersersinneqarput. Aningaasartuutit assigalugit, isertitat ukiuni kingullerni qulini aamma annertusiartorsimapput. Takussutissiami ersersinneqarpoq, isertitat 50 %-ingajaat, nuussinermi isertitanit allanit takkuttut, taakku ilagaat Danmarkimit ataatsimoortumik tapiissutit 3,722.4 (2017) mio. kr.-it.

Kalaallit Nunaanni isertitat ilaat annertuut aamma maannakkut isertitanit, pigisanit nalilinnit il. il. akileraarutinit pilersinneqarput. Kalaallit Nunaanni akileraartarneq aalajangersimasumik akileraarnermik aqqissuussineruvoq, s. i. kikkut tamarmik tunngaviusumik erniaq sinnerlugu aningaasarsiallit, aningaasarsiarineqarsimasut koruunit ataasiakkaarlugit, qitiusumik erniat katersorneqarsimasut akileraarutigissagaat.<sup>6</sup>



**Takussutissiaq 10: Immikkoortoqarfikkaarlugit pisortat aningaasartuutaat (Pissarsiffik: Kalaallit Nunaanni Naatsorsueqqissaartarfik, OFXFUNK).**



<sup>6</sup> (Aningaasaqarnermut Akileraarternermullu Naalakkersuisoqarfik, 2017)

*Takussutissiaq 11: Pisortat iluanaarutaat (Pissarsiffik: Kalaallit Nunaanni Naatsorsueqqissaartarfik, OXFREAI).*

Kalaallit Nunaanni akileraarutinit isertitat ingerlatseqatigiiffiit akileraarutaannit aamma aningaasarsiat akileraarutaannit pilersinneqartarput. Suliffeqarfinnut Kalaallit Nunaanni nalunaarsorneqarsimasut ingerlatseqatigiiffiit akileraarutaat, 2019-imi 30 %-iuvoq. Inunnut Kalaallit Nunaanni najugalinnut inuttut isertitanut akileraarut 42 %-it aamma 44 %-it akornanniippoq, isertitanut tamanut inuttut akileraaruteqanngitsumik qaammammut aningaasat amerlassusaat 5.000 kr.-it missaat qaangerlugu. Nunami allamiut isertitat tamakkiisut 35%-ii isertitanut akileraarutigisarpaat<sup>7</sup>.

### **3.3 Niuerneq**

Nalunaarsuiffik 5-ip ersersippaa Kalaallit Nunaata avammut tunisaasa aamma nioqutissanik eqqussaasa nalingi. Nalunaarsuiffiup ersersippaa Kalaallit Nunaat nioqutissanik nunanit allanit avammut tunisaminik eqqussuinerusimasoq. 2017-imi nioqutissanik eqqussinerup nalinga katillugu 4,6 mia. kr.-it missaannik naleqarsimavoq, massa avammut tunisat nalingi 3,6 mia. kr.-it missaaniissimasoq. Tamanna -1 mia. kr.-it missaanik niuernerminik nikingassummik pilersitsivoq. Nioqutissat eqqussat annerpaartaraat tassaapput nerisassat nioqutissat, ingammik karrinit ullaakkorsiutit, aatsitassanit nioqutissat, ingammik aatsitassanit ikummatissat aamma maskiinat assigiinngitsut.

Nalunaarsuiffiup aamma ersersippaa Kalaallit Nunaata avammut tunisaasa annerpaartaat tassaasut aalisakkanik nioqutissaat. Kalaallit Nunaat nioqutissanik aalisakkanik tunisassiorfinneersunik 2,8 mia. kr.-inik nalilinnik avammut tunisarpaq. Nioqutissat ilagaat aalisakkat, qaleruallit, uumasut qituttut aamma imaani qimerloqanngitsut allat. Kalaallit Nunaat aamma eqqumiitsulianik, katersiumatuut pilerigisaannik aamma pisoqqanik annertunerusumik avammut nioqquteqartarpoq, taakkuninnga avammut nioqquteqarneq 5 mio. kr.-inik naleqarpoq. Kalaallit Nunaat aamma nioqutissanik suussuserneqarsimannngitsunik 124 mio. kr.-inik nalilinnik avammut nioqquteqartarpoq, taamaalilluni nioqutissat eqimattakkaat taakku avammut nioqutigineqartut naleqarnerpaat pingajoritilerlugu.

*Nalunaarsuiffik 5: Kalaallit Nunaannut eqqussinerit aamma avammut tunisineq 1000 kr.- inngorlugit, 2017 (Pissarsiffik: Kalaallit Nunaanni Naatsorsueqqissaartarfik, IEXDET)*

<b>Nioqqutissat</b>	<b>Eqqussineq</b>	<b>Avammut tunisineq</b>	<b>Assigiinngisut</b>
Uumasunit nioqqutissiat	276,207	2,861,366	2,585,159
- taakkunanga, aalisakkanik nioqqutissiorfinneersut.	16,232	2,861,284	2,845,053
Naatitanik nioqqutissiat	140,672	5	- 140,667
Nerisassanik nioqqutissiornermit nioqqutissat allat	618,355	622,451	4,096
Aatsitassanik nioqqutissiat	770,029	222	- 769,806
Nioqqutissiat, akoorutissanik nioqqutissiorfinneersut, nioqqutissiorfinnilu attuumassuteqartuneersut	249,002	41	- 248,961
Plastikki, kummi taakkunangalu nioqqutissat	113,326	299	- 113,027
Ammit suliarineqanngitsut, ammit, ammit meqquernikut taakkunangalu nioqqutissat	14,403	1,888	- 12,516
Qisuk taassuminngalu nioqqutissat	72,471	5	- 72,465
Qisummit imaluunniit ipaguaannit cellulosemit atortussanit allanit pappiliassaq	73,565	189	- 73,377
Annoraamernit	179,897	275	- 179,622
Atisat aamma atisanut atortut allat	19,526	171	- 19,356
Ujaqqanit, gipsimit, cementimit, asbestimit, micamit, igalaaminermit, marrarnit imaluunniit atortussanit assingusunit nioqqutissat	231,275	315	- 230,960
Pinngortitamit sapanngat imaluunniit sapanngat ikkussat, ujaqqat erlinnartut imaluunniit pinnerasaasiassat, savimernit erlinnartut akusaanngitsut, savimernit saviminernit akusaanngitsunit qallikkat aamma taakkunanga nioqqutissat	16,943	3,369	- 13,574
Savimernit erlinnanngitsut aamma taakkunanga nioqqutissat	314,627	3,924	- 310,703
Maskiinat, atortorissaarutit maskiinallit, maskiinat innaallagiartortut aamma atortussat	708,356	20,363	- 687,992
Qamutit	456,968	3,308	- 453,660
Isigisanut, assiliinermut, filmertitsinermut sakkuutit aamma atortorissaarutit	54,057	11,209	- 42,848
Sakkuutit, imassat aamma taakku ilaat, taakkunangalu atortut	10,759	13	- 10,746
Nioqqutissat allat	215,748	417	- 215,331
Eqqumiitsuliat, katersiumatuut pilerigisaat aamma pisoqqat	1,441	6,425	4,984
Nioqqutissat suussuserneqanngitsut	98,769	123,768	24,999
Katillugit	4,636,396	3,660,022	- 976,374



### 3.4 Kalaallit Nunaanni aatsitassanik isumalluutininik piiaaneq

Uuliamut aatsitassarsiornermullu immikkoortortaarfik nunarsuaq tamakkerlugu niuernikkut annertuumik akitigut ilungersuasimavoq, tamanna, tunisassiornermut aningaasaliinerit ukiuni kingullerni killeqarsimanerannik kinguneqarsimavoq. Akit qaffaqqilersimapput, kisianni missingersuutigineqarpoq aatsaat ukiorpassuit qaangiuppata 2010-2012-imi qaffasissutsinut uteqissasut.<sup>8</sup>

2013-imi Kalaallit Nunaat, Fraser Institutimi aatsitassarsiornermi immikkoortortat aningaasaliiffiginissaat soqutiginarnerpaat allattorsimaffianni normu 7-iusimavoq. Tamatum kingorna, 2017-imi allattorsimaffimi inissisimaneq normu 34-mut apparsimavoq. Massa 2013-imi inissisimanermit ungasikkaluartoq, 2016-imi normu 55-imi inissisimanermit suli annertuumik pitsanngoriarneruvoq. Fraser Institutimi pissutsit soorlu inatsisit aqqissuunnerat, akileraarutininik aqqissugaanerat, politikikkut aalajaassuseq aamma ataqatigiinnermut aqqissuussinerit pitsaassusaat nalilersuinnermini ilaatinneqartarput.<sup>9</sup>

Namminersorlutik Oqartussat anguniagaraat, Kalaallit Nunaanni aatsitassanik isumalluutininik immikkoortortaarfik, Kalaallit aningaasaqarnikkut namminersornissaanut tuniseqataanerulernissaa, aamma piiaanissamut akuersissutit arlalinnik tunisisoqarsimavoq. Akuersissummik tunisisoqaraluartoq, tamanna aatsitassarsiorfimmik ammartoqarnissaanik kinguneqartariaqangilaq. Oqaluttuarisaanermi aatsitassarsiornermi suliniutit amerlasuut ingerlanneqanngisaannarput, nunarsuaq tamakkerlugu niuernikkut akit allanngorarneri aamma aningaasaliisussanik qulakkeerinninnissat ajornakusoorneri pissutaallutik. Tamanna pissutigalugu, akuersissutit tunniunneqartut amerlanissaat pingaaruteqarpoq<sup>10</sup>.

Kalaallit Nunaat maannakkut marlunnik piiaffeqarpoq ingerlanneqartunik. Aappaluttoq, taanna aligoq aappaluttunik aamma safirininik aappalorujuttunik piiaaffiuvoq aamma Naajat, taanna anorthositimik tunisassiorluvoq<sup>11</sup>. Aappaluttoq maaji 2017-imi<sup>12</sup> tunisassiorluni aallartissimavoq, massa Naajat februaari 2019-imi<sup>13</sup> tunisassiorluni aallartissimasoq. Piiaaffiit qanittumi aatsaat tunisassiornermik aallartissimanerat pissutigalugu, suli periarfissaanngilaq Kalaallit Nunaata aningaasaqarneranut piffissaq ungasissoq eqqarsaatigalugu sunniutai nalilersussallugit. 2017-ip naalernerani piiaaffik Aappaluttoq 37-nik sulisoqarsimavoq, aamma 2017-imi aningaasarsianit akileraarutit 6,8 mio. kr.- iusimapput<sup>14</sup>.

Kalaallit Nunaat aamma arlalinnik aatsitassarsiornermi suliniuteqarpoq, taakku suli misissuinnermi killiffimmiipput. Nalunaarsuiffik 6-imi ersersinneqarput maannakkut misissuinnermik suliniutit ingerlalluareersimasut arlallit.

---

<sup>8</sup> (Aningaasaqarnermut Akileraarnermullu Naalakkersuisoqarfik, 2017)

<sup>9</sup> (Fraser Institute, 2018)

<sup>10</sup> (Aningaasaqarnermut Akileraarnermullu Naalakkersuisoqarfik, 2017)

<sup>11</sup> (Naalakkersuisut b, u.d.)

<sup>12</sup> (Greenland Ruby, 2017)

<sup>13</sup> (Hudson Resources Inc, u.d.)

<sup>14</sup> (Greenland Ruby, 2018)

Nalunaarsuiffik 6: Kalaallit Nunaanni misissuinermi suliniutit aallartilluareersut. Pissarsiffik: (Naalackersuisut a, u.d.)


Suliniut	Nioqqutissaq
Citronen Fjord	Zinki aamma aqerloq
Pituffik	Ilmeniti (Titaniumimik sioqqat)
Kuannersuit	Saffiugassat qaqutigoortut aamma urani
Killavaat Alannguat	Saffiugassat qaqutigoortut, niobiumi, zirconiumi aamma tantalumi
Nalunaq	Kuulti
Manitsoq norite belt	Nikkeli, kanngussak, cobalti aamma Platinumimik savimernit eqimattakkaat (PGM)
Isukasia	Savimineq

## 4 Inuuniarnermi aningaasartuutit aamma ineqarniarnermi pissutsit

Immikkoortortami matumani, Avannaata Kommunianut paasissutissat pissarsiarinissaat periarfissaqarsimanngilaq. Taamaammat paasissutissat atorneqartut Qaasuitsup Kommunianeerput.


### 4.1 Inuup aningaasarsiai

Takussutissiaq 12 -ip ersersippaa Kalaallit Nunaanni inoqtigiit agguaqatigiissillugu isertitaat, Qaasuitsup Kommuniani aamma Qaanaami. Takussutissiami ersersinneqarpoq inoqtigiit agguaqatigiissillugu isertitaat aalajaatsumik qaffakkiartortut. Takuneqarsimavoq Qaasuitsup Kommuniani inoqtigiit isertitaat Kalaallit Nunaanni inoqtigiit agguaqatigiissillugu isertitaannit 50.000 kr.-it missaannik appasinnerusut. Qaanaami inoqtigiit agguaqatigiissillugu isertitaat, Kalaallit Nunaanni aamma Qaasuitsup Kommuniani agguaqatigiissillugit isertitat qaffassimanerattut qaffassimanngitsut. 2017-imi Qaanaami inoqtigiit agguaqatigiissillugu isertitaat 150.000 kr.-it missaannik Kalaallit Nunaanni inoqtigiit agguaqatigiissillugu isertitaannit appasinnerusimapput.



Takussutissiaq 12: Agguaqatigiissillugu inoqtigiit isertitaat a (Pissarsiffik: Kalaallit Nunaanni Naatsorsueqqissaartarfik, INXH2 and INXH1).

Takussutissiaq 13-imi Qaanaami isertitat agguarnerat itinerusumik misissornerqarput. Ersersinneqarpoq Qaanaap illoqarfiani aamma nunaqarfinni pingasuusuni inoqutigiit agguaqatigiissillugu isertitaat: Siorapaluk, Savissivik aamma Qeqertat. Qaanaap illoqarfiani inoqutigiit agguaqatigiissillugu isertitaat aalajaatsumik qaffakkiartorsimapput aamma 2017-imi 300.000 kr.-it missaaniissimapput. Nunaqarfinni pingasuusuni inoqutigiit agguaqatigiissillugu isertitaat allanngorartorujussuupput, ingammik Qeqertani. Nunaqarfiit pingasuusut 42-nik, 60-inik aamma 23-inik, taama tulleriillutik, inuttussuseqarput. Innuttaasut ikinneri pissutaalluni, innuttaasut ilaasa amerlanngitsut isertitaasa allanngornerat annertuumik agguaqatigiissillugu isertitanut kinguneqarsinnaapput.



Takussutissiaq 13: Qaanaami agguaqatigiissillugu inoqutigiit isertitaat (Pissarsiffik: Kalaallit Nunaanni Naatsorsueqqissaartarfik, INXH3).

## 4.2 Inuuniarnermi aningaasartuutit

Atuisunut akit inuuniarnermi aningaasartuutit nalilerniarlugit atornerqarsinnaapput. Nalunaarsuiffik 7-mi ersersinneqarput Kalaallit Nunaannut inuuniarnermi aningaasartuutininut nalileeriaaseq. Atuinnermi akit nioqutissanut sullissinerinullu tamangajannut qaffassimapput, taamaammallu inuuniarnermi aningaasartuutini. Qaffannerit annerpaat nerisassat akiini takuneqarsimapput. Akit, 2008-mi nalileeriaaseq 100-mut naleqqiullugu nalileeriaatsimut 135-imut qaffassimavoq. Nakorsaait nakorsaatinullu atortut akii aamma allanut naleqqiullugit annertuumik qaffassimasut takuneqarsimapput. Akit nalileeriaatsimut 128-imut qaffassimapput. Nioqutissat aamma sullissinerit amerlanngitsut akii apparsimasut takuneqarsimavoq, ilagalugit atisat aamma kamippaat, kiisalu oqarasuaatit aamma nassiussinerit.

Innuttaasut pisisinnaassusaat, aamma isertitat naleqassusiattut taaneqartartoq, pisisartunut akit allanngorneri, isertitat allanngornerannut naleqqiukkaanni nassaarinerqarsinnaavoq. Isertitat allanngornerat, pisisartunut akit allanngornerannit annertuneruppat, taava isertitat piviusut qaffassapput. Tamanna Kalaallit Nunaanni pisimavoq, tassani isertitat piviusut 2014-imiilli aalajaatsumik qaffakkiartorsimammata<sup>15</sup>.

<sup>15</sup> (Kalaallit Nunaanni Kisitsisit 2018)

Nalunaarsuiffik 7: Atuisunut akit nalunaarsuutaat (2008=100) (Pissarsiffik: Kalaallit Nunaanni Naatsorsueqqissaartarfik, PRXPRISV).

	2014 Jan	2015 Jan	2016 Jan	2017 Jan	2018 Jan
<i>Nioqqutissat kiffartuussinerit tamakkerlugit</i>	115	117	118	119	119
Nerisassat il. il.	124	127	131	134	135
Imigassat tupallu	113	113	115	116	117
Atisat kamippaallu	100	97	95	94	94
Ineqarneq	131	133	133	130	126
Pequtit ineqarnermilu kiffartuussinerit	120	122	124	122	120
Nakorsaait, nakorsaasiortunillu nioqqutissat	121	125	125	126	128
Assartuineq	116	117	121	124	123
Oqarasuaait nassiussinerillu	89	87	88	87	88
Sunngiffik kulturilu	94	96	97	98	102
Neriniartarfiit akunnittarfiillu	114	116	117	119	122
Nioqqutissat kiffartuussinerillu allat	106	109	107	109	111

### 4.3 Taartigiinnermik tunngaveqarluni "aningaasaqarneq"

Kalaallit Nunaanni inuuniarnermi pissutsit isiginnaaraanni pingaaruteqarpoq aamma taartigiinnermik tunngaveqarluni "aningaasaateqarneq"<sup>16</sup>, ilanngutissallugu, inuuniarnermi pissutsinut<sup>17</sup> sunniuteqarnera annertunera pissutigalugu.

Kalaallit Nunaanni inuup isertitaatut nalunaarsukkat, inuup piviusumik inuunermini atugarisaannik imaangilaq ersersitsisut. Misissuinerup 2014-imeersoq<sup>18</sup>, illoqarfinni innuttaasut 12,5%-ii aamma nunaqarfinni innuttaasut 45,8 %-ii, namminneq pisaminnik sapaatip akunneranut ataasiaannaratik nerisarsimasut inerniliivoq. Taartigiinnermik tunngaveqarluni "aningaasaqarneq" Kalaallit Nunaata avannaani nunaqarfinni immikkut pingaaruteqarpoq, aamma missingersorneqarpoq tamanna inuit appasissumik isertitaqartut suli naammattumik inuussutissaqarnerannut pissutaasoq. Piffissaq qanittooq tikillugu missingersuutigineqarsimavoq taartigiinnermik tunngaveqarluni "aningaasaqarneq" Kalaallit Nunaanni naligiissutsimut pitsaasumik sunniuteqarsimasoq, ingammik illoqarfiit aamma nunaqarfiit akornanni. Taamaattariaqanngilaq, pissutigalugu paasineqarsimammat, inuit pisuujunerusut illoqarfinni najugallit taartigiinnermik tunngaveqarluni "aningaasaqarnermi" annerusumik iluanaaruteqartartut, piniarnermut atortussanik pitsaanagerusunik aningaasaliinissamut akissaqarnerunertik pissutigalugu<sup>19</sup>.

Taartigiinnermik tunngaveqarluni "aningaasaqarnerup" annertussusaa missingersussallugu ajornakusoorpoq, pissutigalugu nuussinerit tamarmik

<sup>16</sup> Taartigiinnermik tunngaveqarluni "aningaasarsiorneq" aningaasartaqanngilaq

<sup>17</sup> (Akileraartarneq atugarissaarnerlu pillugit Isumalioqatigiissitaq, 2010)

<sup>18</sup> (Dahl-Petersen, Larsen, Nielsen, Jørgensen, & Bjerregaard, 2016)

<sup>19</sup> (Isumaginninnermut, Ilaqutariinnut, Naligiissitaanermut Inatsisinillu Atuutsitsinermut Naalakkersuisoqarfik, 2018)


nalunaarsorneqanngimmata. Taamaammat periarfissaanngilaq taartigiinnermik tunngaveqarluni "aningaasaqarneq" inuuniarnermi pissutsinut sunniutaat eqqortumik missingersornissaat<sup>20</sup>.

Taartigiinnermik tunngaveqarluni "aningaasaqarneq" Qaanaami pingaarutilimmik ileqquuvoq, ingammik nunaqarfinni. Piniarneq ilaqutariit nerisassanik atuinerannut annertuumik tunisisarpoq. Taakku saniatigut, ilaqutariinnut saniatigut tuniniaaffiit pisortatiguunngitsut aqqutigalugu tunisinernit nalunaarsorneqanngitsumik isertitaqaataasarput. Aamma inunnut piniarnissamut periarfissaqanngitsunut "neqinik tunissuteqarneq" suli nalinginnaavoq<sup>21</sup>.

## 5 Niuernerp aaqqissugaanera

Kalaallit Nunaat annertuumik pingaarnermik aningaasaqarnermut immikkoortortaqarpoq, annerusumik aalisakkanik tunngaveqartumik aningaasaqarneq, ilaatigut nunalerineq aamma aatsissarsiornermi misissuinnermit aamma piiaanermi suliniutit pissutigalugit. Aningaasaqarnermut immikkoortortap pingaarnerup tullia mikivoq, aamma imaanit isumalluutininik tunisassiornermik aamma sanaartormermik suliarinnittunik kisingajammi ilaqarpoq. Kalaallit Nunaata kiffartuussinermi aningaasaqarnikkut immikkoortortaa annertuvoq, pingaarnermik ilagalugit pisortat aqutsinerat, ataqatigiinnermut aaqqissuussinermi suliffeqarfiit, aamma takornariaqarnermi suliffeqarfiit annertusiartortut.<sup>22</sup>

Qaanaaq suliffeqarfinnik namminersortunik pigineqartunik amerlanngitsunik peqarpoq. Illoqarfik ataatsimik anginngitsumik akunnittarfeqarpoq aamma arlalialunnik aasarsiortarfinnik illoqarpoq, ataatsimik VVS-ilerisoqarpoq, ataatsimik biilinik aaqqissuisoqarfeqarpoq, ataatsimik pisiniarfeqarpoq, ataatsimik sanasoqarpoq aamma ataatsimik qalipaasup sulliveqarpoq. Qaanaami suliffeqarfiit annersaat tassaavoq aalisakkanik tunisassiorfik Inughuit Seafood A/S-imit pigineqartoq, taanna 15-19-inik sulisoqarpoq<sup>23</sup>. Aalisakkanik tunisassiorfimmil sulisut ukiukkut amerlanerusarput. Piniarneq aalisarnerlu innuttaasunut amerlasuunut suliaavoq pingaarutilik.



<sup>20</sup> (Akileraartarneq atugarissaarnerlu pillugit Isumalioqatigiissitaq, 2010)

<sup>21</sup> (Hendriksen & Hoffmann, 2016)


<sup>22</sup> (Kalaallit Nunaanni Kisisitsit 2018)

<sup>23</sup> (Royal Greenland A/S, 2018)

*Takussutissiaq 14*-ip ersersippaa, Kalaallit Nunaanni innuttaasut aamma Qaanaami innuttaasut procentit qanoq amerlatigisut immikkoortorta qarfinni assigiinngitsuni sulisutut nalunaarsorneqarsimanersut. Taassani takuneqarsinnaavoq Kalaallit Nunaanni pisortat aqutsinerannut aamma kiffartuussinernut immikkoortorta qarfiit inunnik amerlanerpaanik atorfeqartitsisut. Qaanaami inuit 50 %-init amerlanerit pisortaqarfinni atorfeqarput. Immikkoortorta qarfik kalaallinik atorfeqartitsisut annersaasa tulliuuttut tassaapput aalisarneq, piniarneq aamma nunalerineq. Immikkoortorta qarfimmi tassani 17 %-it missaat atorfeqarput. Qaanaami 16 %-it aalisarnermi, piniarnermi aamma nunalerinermi immikkoortorta qarfimmi atorfeqarput. Immikkoortorta qarfiit annersaasa pingajuat, atorfilinnut agguataarlugu tassaavoq niuertunut pilersuineq. Kalaallit Nunaanni inuit atorfillit 11 %-it immikkoortorta qarfimmi tassani sulipput aamma Qaanaami taanna 15 %-iuvoq.

Kalaallinit innuttaasunit atorfillit 10 %-init ikinnerusut immikkoortorta qarfiit sinnerini qulingiluaasuni sulipput aamma Qaanaami 5 %-init ikinnerupput. Qaanaaq aatsitassarsiornermi aamma paaanermillu immikkoortorta qarfeqanngilaq, imaluunniit tunisassiornermi immikkoortorta qarfeqanngilaq.

Kalaallit Nunaat tamakkerlugu, 2017-imi inuit 86-it qaammammut agguaqatigiissillugu aatsitassarsiornermi aamma paaanermi atorfeqarsimapput. Tunisassiornermi inuit 271-it qaammammut agguaqatigiissillugu atorfeqarput.




*Takussutissiaq 14: Immikkoortukkuutaartumik sulisut qaammammut agguaqatigiissinnerat, sulisut katillugit procentinngornerat, 2017 (Pissarsiffik: Kalaallit Nunaanni Naatsorsueqqissaartarfik, ARXBFB4)*

Kalaallit Nunaanni ukiup ilaatigut amerlasuunik suliffissaqartarpoq. Tamanna pissutigalugu, nalinginnaasumik ukiukkut suliffissaaleqisut amerlaneruserput aasamut naleqqiullugu<sup>24</sup>. Taamaammat qaammammut inuit suliffeqartut agguaqatigiissillugu amerlassusaat aamma minnerpaamik ukiumut qaammat ataaseq sulisut amerlassusaat assigiinngissuteqarpoq.

*Takussutissiaq 15*-imi assigiinngissut taanna takuneqarsinnaavoq. Immikkoortut amerlanersaanni, inuit minnerpaamik ukiumut qaammat ataaseq suliffeqartut

<sup>24</sup> (Aningaasaqarnermut Akileraartarnermullu Naalakkersuisoqarfik, 2017)

amerlassusaat, agguaqatigiissillugu qaammammut inuit suliffeqartut marloriaatingajaanik amerlassuseqarput. Ineriartorneq taanna nunaqarfinni, illoqarfinnut naleqqiullugu nalinginnaaneruvoq<sup>25</sup>. 2017-imi Qaanaami suliffeqanngitsut procentinngorlugit ukiup sisamararterutaata pingajuata nalaani appasinnerpaasimavoq<sup>26</sup>, tamanna itinerusumik immikkoortoq 6.2-mi allaaserineqarpoq.



Takussutissiaq 15: Qaanaami sulisut, 2017 (Pissarsiffik: Kalaallit Nunaanni Naatsorsueqqissaartarfik, ARXBFB4)

## 6 Suliffeqarnermi pissutsit

### 6.1 Suliffeqarnermi pissutsit pioreersut


Kalaallit Nunaanni inuit sulisorineqarsinnaasut 27.000-it missaanniipput. Tassa innuttaasut affaata missai angungajallugit.

Takussutissiaq 16-ip ersersippaa sulisorineqarsinnaasut suaassutsinut aamma ukiunut agguataarnerat. Agguataarnerit timeglassit iluseqarput, pissutigalugu eqimattakkaat minnerpaat nukarlersaammata, utoqqaanersaammata aamma akunnattumik ukiuliummata. Eqimattakkaat annersaat tassaapput 50-iniit 54-inut ukiullit aamma minnerpaat tassaapput 18-iniit 19-inillu ukiullit. Pingaaruteqarpoq malugissallugu 18-iniit 19-inut ukiullit amerlasuut ilinniakkamik ingerlatsisuusut aamma taamaamat sulisorineqarsinnaasunut ilaanatik. Takussutissiami aamma ersersinneqarpoq, sulisorineqarsinnaasuni angutit amerlanerulaartut.


Takussutissiaq 17-ip ersersippaa Qaanaami sulisorineqarsinnaasut suaassutsinut aamma ukiunut agguataarnerat. Agguartaarnerat Kalaallit Nunaanni agguataarnerat assigaa, kisianni annertuneruinnarlutik. Ukiut eqimattakkaarlugit annertunerpaat tassaapput 50-iniit 54-inut aamma 55-iniit 59-inut ukiullit. Tamatumaa paasinarsisippaa, Qaanaaq piffissami qanittumi, innuttaasunik utoqqaanerusunik sulisorineqarsinnaasut avataaniittunik attuumassuteqartumik ajornartorsiuutinik nalaataqassasoq. Qaanaami sulisorineqarsinnaasuni aamma angutit amerlanerupput.

<sup>25</sup> (Aningaasaqarnermut Akileraartarnermullu Naalakkersuisoqarfik, 2017)

<sup>26</sup> (Kalaallit Nunaanni Naatsorsueqqissaartarfik)



Takussutissiaq 16: Kalaallit Nunaanni sulisinnaasut ukiunut suiaassutsinullu agguarlugit 2017 (Pissarsiffik: Kalaallit Nunaanni Naatsorsueqqissaartarfik, ARXSTK1)



Takussutissiaq 17: Qaanaami sulisorineqarsinnaasut ukinut suiaassutsinullu agguataarlugit 2017 (Pissarsiffik: Kalaallit Nunaanni Naatsorsueqqissaartarfik, ARXSTK1).

## 6.2 Suliffissaaleqineq

Kalaallit Nunaanni suliffissaaleqisut procentinngorlugit Europap avannaani nunanut allanut naleqqiullugu qaffasinnerungaatsiarpoq. Suliffissaaleqisut procentinngorlugit ingammik inuusuttut akornanni annertuvoq. Suliffissaaleqisut procentinngorlugit ingammik inuusuttut akornanni qaffasinnera, inuusuttut amerlasuut meeqqat atuarfiata aamma inuusuttunut ilinniariup kingorna ilinniaqqissimanginneranit ajornerulersinneqarpoq<sup>27</sup>. Taamaammat inuusuttut eqimattakkaat amerlasuut suliffeqanngillat imaluunniit ilinniarsimangillat<sup>28</sup>. Sulisorineqarsinnaasunit suliffissaaleqisut procentinngorlugit 85 %-iisa missaasa

<sup>27</sup> Meeqqat atuarfiat qallunaat taaguutaat "folkeskole" assigaa


<sup>28</sup> (Aningaasaqarnermut Akileraartarnermullu Naalakkersuisoqarfik, 2017)



ilaat ilinniarsimangillat, meeqqat atuarfiat aamma inuusuttunut ilinniarfik eqqaassanngikkaanni<sup>29</sup>.

*Takussutissiaq 18*-imi Kalaallit Nunaanni aamma Qaanaami suliffissaaleqisut procentinngorlugit takussuserneqarpoq, suaassutsinut aamma ukiuinut agguataarlugit. Ataatsimut isigalugu Kalaallit Nunaanni suliffissaaleqisut procentinngorlugit 2017-imi 6,8 %-iusimavoq<sup>30</sup>. Eqimattakkaanut 30-t sinnerlugit ukiulinnut, suliffissaaleqisut procentinngorlugit 5-7 %-illu akornanniippoq. Eqimattakkaanut 30-t ataallugit ukiulinnut suliffissaaleqisut procentinngorlugit 7-14 %-illu akornanniippoq, tassani suliffissaaleqisut procentinngorlugit qaffasinnerpaat, eqimattakkaani ukiukinnerpaani 18-it 19-illu akornanni ukiulinni nassaassaavoq.

*Takussutissiaq 18*-ip aamma takussuserpaa, angutit aamma arnat akornanni suliffissaaleqisut procentinngorlugit assigiinngissusaa. Eqimattakkaani 18-t 34-llu akornanni ukiulinni, angutit suliffissaaleqisut procentinngorlugit appasinnerpaamiipput. Kisianni eqimattakkaanut 40-t sinnerlugit ukiulinnut, arnat suliffissaaleqisut procentinngorlugit ikinnerpaapput.



*Takussutissiaq 18: Kalaallit Nunaanni Qaanaamilu suliffissaaleqisut procentinngorlugit 2017 (Pissarsiffik: Kalaallit Nunaanni Naatsorsueqqissaartarfik, ARXLED4)*

*Takussutissiaq 18*-ip aamma takussuserpaa Qaanaami suliffissaaleqisut procentinngorlugit, nuna tamakkerlugu suliffissaaleqisunut naleqqiullugu qaffasinnerusut. Qaanaaq Kalaallit Nunaanni suliffissaaleqisut procentinngorlugit qaffasinnerpaanut ilaavoq<sup>31</sup>. Pingaaruteqarpoq malugissallugu, Qaanaami innuttaasut Kalaallit Nunaata sinneranut naleqqiullugit ikinnerujussuusut, aamma taamaamat maanngaaniit kisitsinngorlugit nalunaarsukkat nikerarsinnaasut kukkuffiusinnaallutillu, ingammik innuttaasut ukiunut eqimattakkarlugit agguataarnerini. Suliffissaaleqisut procentinngorlugit ingammik Qaanaami arnat

<sup>29</sup> (Kalaallit Nunaanni Naatsorsueqqissaartarfik)

<sup>30</sup> (Kalaallit Nunaanni Naatsorsueqqissaartarfik)

<sup>31</sup> (Kalaallit Nunaanni Naatsorsueqqissaartarfik)


inuusuttut najugallit akornanni ingammik qaffasippoq. Arnanut 18-it 24-illu akornanni ukiulinnut, suliffissaaleqisut procentinngorlugit 33 %-iuvoq, tamanna Kalaallit Nunaata sinneranut naleqqiullugu marloriaatingajammik qaffasinneruvoq. Angutitut arnanullu suliffissaaleqisut procentinngorlugit ineriartornermik assigiinngitsumik ersersitsivoq, Kalaallit Nunaata sinneranut procentinngorneranut naleqqiullugu. 30-t 49-llu ukiullit akornanni, suliffissaaleqisut procentinngorlugit arnanut appasinneruvoq, suliffissaaleqisut procentinngorlugit angutitut naleqqiullugit, aamma eqimattakkaarlugit ukiunut inuusunnerusunut utoqqaanerusunullu suliffissaaleqisut procentinngorlugit arnanut qaffasinneruvoq.

Nalunaarsuiffik 8-p ersersippaa Qaanaami ataatsimut isigalugit suliffissaaleqisut procentinngorlugit 12,9 %-iusut aamma arnanut suliffissaaleqisut procentinngorlugit 1 %-imik angutitut naleqqiullugit qaffasinnerusoq. Nalunaarsuiffiup Qaanaap illoqarfiani nunaqarfinnilu suliffissaaleqisut procentinngorlugit aamma ersersippaa. Suliffissaaleqisut procentinngorlugit illoqarfimmi 3 %-pointit missaanik nunaqarfinnit qaffasinneruvoq. Illoqarfimmi arnat suliffissaaleqisut procentinngorlugit appasinnerpaapput aamma angutit qaffasinnerpaapput, massa nunaqarfinnili paarlattuaniiittut.

*Nalunaarsuiffik 8: Qaanaami suliffissaaleqisut procentinngorlugit 2017 (Pissarsiffik: Kalaallit Nunaanni Naatsorsueqqissaartarfik, ARXLED4)*


	Katillugit	Illoqarfik	Nunaqarfiit
<b>Tamakkerlugit</b>	12.9 %	13.2 %	10.9 %
<b>Angutit</b>	12.7 %	13.9 %	7.1 %
<b>Arnat</b>	13.8 %	12.5 %	22.2 %

*Takussutissiaq 19*-imi Qaanaami 2014-imit 2017-imut ukiup sisamararterutaanut suliffissaaleqisut procentinngorlugit ersersinneqarpoq. Taassuma ersersippaa suliffissaaleqisut procentinngorlugit piffissap ingerlanerani aalajaatsumik qaffakkiartortoq. Takussutissiaq ineriartornermik ersarissumik ersersitsinngilaq qaqugu suliffissaaleqineq qaffasinnerpaanersoq. 2014-imi suliffissaaleqisut procentinngorlugit ukiup sisamararterutaasa aappaanni qaffasinnerpaasimavoq, 2015-imi suliffissaaleqisut procentinngorlugit ukiup sisamararterutaani siullermi qaffasinnerpaasimavoq, 2016-imi suliffissaaleqisut procentinngorlugit ukiup sisamararterutaasa aappaanni aamma sisamaani qaffasinnerpaasimapput, aamma 2017-imi suliffissaaleqisut procentinngorlugit ukiup sisamararterutaani siullermi qaffasinnerpaasimavoq.



*Takussutissiaq 19: Qaanaami ukiup sisamararterutaanni suliffissaaleqisut procentinngorlugit, (Pissarsiffik: Kalaallit Nunaanni Naatsorsueqqissaartarfik, ARXLED4)*

*Takussutissiaq 20-p takussuserpaa, Kalaallit Nunaanni eqimattakkaarlugit ilinniakkat assigiinngitsut tallimat akornanni suliffissaaleqineq: Meeqqat atuarfiat – inuusuttunut ilinniarfik – nalinginnaasoq – inuusutissarsiornermut ilinniarfik aamma bachelorit, masterit, doktorit imaluunniit qaffasissusaa assigalugu. Suliffissaaleqisut amerlassusaa inuit taamaallaat meeqqat atuarfianni atuarsimasut akornanni qaffasinnerpaavoq. 2007-imi eqimattakkaani tassani inuit 1.567-it suliffissaaleqisimapput. Inuit inuusutissarsiornermik ilinniarsimasut suliffissaaleqisut 238-iusimapput. Sinneruttuni ilinniakkani eqimattakkaani suliffissaaleqisut 32-isimapput, marluusimapput aamma 20-usimapput, taama tulleriillutik.*



*Takussutissiaq 20: Ilinniarsimasut Kalaallit Nunaanni suliffissaaleqinerat, 2017 (Pissarsiffik: Kalaallit Nunaanni Naatsorsueqqissaartarfik, ARXLED6).*

## 7 Ilinniartitaaneq

Kalaallit Nunaanni meeqqat atuarfiat pinngitsoorani atuarfissaavoq aamma ukiut qulit ingerlanneqartarpoq. Nunaqarfiit mikisut 8.-10. klassit neqeroorutigineqarneq ajorput aamma taamaammatt meeqqat taakkunannga nunaqarfinneersut meeqqat atuarfiat naammassiniarlugu illoqarfimmut qaninnermut nuuttariaqartarput<sup>32</sup>.

Kalaallit Nunaanni illoqarfiit sisamat ilinniarnertuunngorniarfeqarput: Nuuk, Qaqortoq, Sisimiut aamma Aasiaat<sup>33</sup>. Avannaata Kommuniani ilinniarnertuunngorniarfeqanngilaq. Tamanna pissutigalugu, inuusuttut ilinniarnertuunngornissaq anguniarlugu angerlarsimaffitsik qimattariaqartarpat. Kalaallit Nunaat ataatsimik ilisimatusarfeqarpoq, taanna Nuummi inissisimavoq. Ilisimatusarfik bachelorisut ilinniakkanik 11-nik aamma masterisut ilinniakkanik sisananik neqerooruteqarpoq. Ilinniakkat neqeroorutigineqartut killeqarnerat

<sup>32</sup> (Kalaallit Nunaanni Kisitsisit 2018)

<sup>33</sup> (Sunngu, Kalaallit Nunaata ilinniakkanut najoqqutassiaa)


pissutigalugu, ilisimatusarfimmi ilinniartut 40 %-ii nunani allani, annerusumik Danmarkimi ilinniartarput<sup>34</sup>.

Kalaallit Nunaat ilinniarsimasunik amigaateqarpoq, aamma immikkoortortaqaqfinni arlalinni pisariaqarsimavoq sulisunik aqqissugaasunik piginnaasanik piimasaqaatigineqartunik piginnaasalinnik tikisitsinissaq, naak ataatsimut isigalugu suliffissaaleqineq procentinngorlugit sumiiffiit ilaanni qaffasittorujussuugaluartoq<sup>35</sup>.

Kalaallit Nunaanni ilinniakkat anguneqarsimasut qaffasissusaat Danmarkimut aamma Europami nunanut naleqqiullugu appasingaatsiarpoq.

Takussutissiaq 21-p ersersippaa inuit 16-it sinnerlugit ukiullit Kalaallit Nunaanni, Avannaata Kommuniani aamma Qaanaami najugallit ilinniarnermik angusaqarsimasut. Kalaallit Nunaanni innuttaasut 60 %-ii taamaallaat meeqqat atuariannik ilinniagaqarsimapput aamma 22 %-it inuussutissarsionermik ilinniagaqarsimapput imaluunniit pikkorissarsimapput. Inuit qaffasinnerusumik ilinniarsimasut amerlassusaat taamaammat killeqartupilussuupput. Innuttaasut 3 %-iisa missaat masterisut angusaqarsimapput, kisianni inuit masterisut angusaqarsimasut 70 %-ii Kalaallit Nunaata avataani inunngorsimapput.

Avannaata Kommuniani ilinniarnermi angusat qaffasissusaat, nunami agguaqatigiissinneranut naleqqiullugit appasinnerupput. 72 %-it meeqqat atuariannik taamaallaat angusaqarsimapput aamma 1 %-ip missaannai taamaallaat masterisut angusaqarsimapput.



*Takussutissiaq 21: Innuttaasut 16-it sinnerlugit ukiullit Qaanaami, Avannaata Kommuniani aamma Kalaallit Nunaanni ilinniagaqarsimassusaat procentinngorlugi, 2017 (Pissarsiffik: Kalaallit Nunaanni Naatsorsueqqissaartarfik, UDXISCPROD, UDXISCPROG aamma nammineq naatsorsuinerit).*

<sup>34</sup> (Kalaallit Nunaanni Kisisit 2018)

<sup>35</sup> (Aningaasaqarnermut Akileraartarnermullu Naalakkersuisoqarfik, 2017)

Inuit Qaanaami najugallit aqqissugaasumik ilinniarsimasut kommuneqarfimmut naleqqiullugu appasinneruvoq. Qaanaap illoqarfia meeqqat atuarfeqarpoq kisianni ilinniarnertuunngorniarfeqanngilaq. Ilinniarnertuunngorniarfik qaninnerpaaq Aasianniippoq. Illoqarfik aamma Majoriaqarpoq, taanna inuussutissarsiornermik ilinniarnermik aamma pikkorissarnermik neqerooruteqarpoq. Qaanaami nunaqarfiit pingasut aamma atuarnermi killiffinnik assigiinngitsunik pingasunik neqerooruteqarput. Qerqertat aamma Siorapaluk taamaallaat meeqqat atuarfiannik neqerooruteqarput. Taamaammat atuartut Qaanaap illoqarfiani meeqqat atuarfiat naammassisariaqartarpaat. Savissivik meeqqat atuarfia naallugu neqerooruteqarpoq, taanna nunaqarfiup iluani pinngitsoornani meeqqat atuarfiannik naammassinninnissamut periarfissiisarpoq<sup>36</sup>.

Takussutissiaq 21-p aamma ersersippaa, inuit Qaanaami najugallit 79 %-ii meeqqat atuarfiat sinnerlugu angusaqarsimanngitsut. Nalunaarsuiffik 9-mi ersersinneqarpoq, Qaanaami inuit ilinniarsimasut amerlassusaat. Qaanaami inunnik najugalinnik Ph.d.-mik imaluunniit masterisut angusaqartoqarsimanngilaq. Inuit 15-it inuussutissarsiutinut aqqissuussamik bachelorisut imaluunniit bachelorisut naammassisqaqarsimapput. Qaanaami inuit 93-it inuussutissarsiornermik pikkorissarnermik aamma ilinniarnermik naammassinnissimapput. Arnat angutillu akornanni ilinniarsimasut agguataarnerat assigiinngiiaarpoq. Inuit marluk bachelorisut angusaqarsimasut tamarmik arnaapput, aamma inunnit 13-init qulingiluaat inuussutissarsiutinut aqqissuussamik bachelorisut naammassinnissimasut aamma arnaapput.

*Nalunaarsuiffik 9: Innuttaasut 16-it sinnerlugit ukiullit Qaanaami ilinniagaqarsimassusaat procentinngorlugu, 2017 (Pissarsiffik: Kalaallit Nunaanni Naatsorsueqqissaartarfik, UDXISCPROG).*

	Angutit	Arnat	Katillugit
Meeqqat atuarfiat	233	189	422
Inuusuttunut ilinniarfik	2	2	4
Inuussutissarsiornermik ilinniarneq	50	43	93
Ilassutitut pikkorissarnerit soraarummeerfiusut	0	0	0
Ingerlariaqqiffiusumik ilinniakkat	1	0	1
Bacheloritut ilinniakkat	0	2	2
Inuussutissarsiornermi bacheloritut ilinniakkat	4	9	13
Kandidatitut ilinniakkat	0	0	0
Phd.-mik ilinniakkat	0	0	0
Ilinniakkat katillugit	290	245	535

### **Inuussutissarsiutinut ilinniarnissamut periarfissat**

Kalaallit Nunaanni arlalinnik inuussutissarsiornermik ilinniarfeqarpoq. Aatsitassarsiornermi suliniummi atorfilinnut soqutiginarnerpaaq tassaavoq Aatsitassalerinermik Ilinniarfik (Kalaallit Nunaanni Teknikimik Ilinniarfik (KTI)) Sisimiuni inissisimasoq. Aatsitassalerinermik Ilinniarfik Kalaallit Nunaanni Teknikimik Ilinniarfiup (KTI) ilagaa, inuussutissarsiornermik ilinniarfik 650 missaanik ilinniartoqarpoq. Ilinniarfik sisamanik immikkoortortaqarpoq: Saviminilerinermik ilinniarfik, Sanaartornermik ilinniarfik, Aatitassalerinermik

<sup>36</sup> (Qaasuitsup Kommunanut Pilersaarut 2014-2016)

ilinniarfik kiisalu Ilinniarnertuunngorniarfik. Ilinniarfik Nuummi Sisimiunilu immikkoortortaqqarpoq<sup>37</sup>.

Umiartornermik ilinniarfik Nuummi Paamiunilu inissisimavoq. Ilinniarfik sumiissusersiornerup, umiartornerup aamma aalisarnerup iluani ilinniakkanik neqerooruteqartarpoq.

### **Inersimasunut ilinniarnissamut periarfissat**

Marlunnik pisortanit aningaasatigut tapersiinnermik iluarsissuteqarpoq, inersimasunut piginnaasanik pikkorissarnissamut periarfissiisunik: Ilinniarsimangitsunut piginnaasanik ineriartortitsinermi suliniutinut (PKU) aamma AMA-mit aningaasaliissutit<sup>38</sup>.

PKU nalinginnaasumik allaaserineqarsinnaavoq ilinniarnermut iluarsissutitut pisortanit aningaasaliiffigineqartut, taakku inuit 25-it sinnerlugit ukiullit ilinniarsimangitsut akornanni suliffissaaleqineq pinaveersaartinniarlugu pilersinneqarsimapput. Ukkatarineqarput inuit tunisassiofinni sulinermik misilittagaqangitsut imaluunniit annikitsumik misilittagallit, siuariartornermik aamma ineriartornermik misigisaqartut, piginnaasaannik pilersorneqarnissaat siunissami atorfininnermik kinguneqarsinnaasumik. PKU aatsitassarsiornermi suliniutitit allanit sivikitsumik pikkorissartitsinermit akiliutitut atorneqarsimapput, taamaalilluni kalaallit sulisartut ilinniarsimangitsut aatsitassarsiornermi suliniutitit suliasanut immikkuullarissunut attuumassuteqartut qaffatsinneqarsimapput.

AMA-mit aningaasaliissutit inunnut ilinniarsimangitsunut ilinniarsimasunullu 18-it sinnerlugit ukiulinnut angerlarsimaffik qimallugu pikkorissartunut tunniunneqarsimapput. Aningaasaliissutit angalanermut, nerisaqarnermut aamma ineqarnermut matusissutaasarpur, assersuutigalugu inunnut Majoriami ilinniartut, inuussutissarsiornermik piginnaasat immikkuullarissut ukkataralugit pikkorissartunut.

## **7.1 Aaqqissuussaangitsumik ilinniarneq**

Naak Thulep eqqaani innuttaasut amerlanerpaartaat taamaallaat killilimmik imaluunniit aaqqissuussamik ilinniagaqangikkaluartut, taamaattoq amerlasuut aaqqissuussaangitsumik ilikkarneqarsimasunik piginnaasaqarput aamma Issittumi aatsitassarsiorfimmi ingerlatsinermit naleqquttunik misilittagaqarput. Piginnaasat sumiiffimmi inuenermi aamma sulinermi ineriartortinneqarsimapput, assersuutigalugu piniartut aalisartullu akuttunngitsumik aalisarnermit piniarnermillu taamaallaat misilittagaqangillat, kisianni aamma sumiissusersiornermik sumiiffimmilu nerisassanik nerisassiornermik misilittagaqarput. Assinganik, oqaatsinik piginnaasat ilaat, tamakkerlutik soraarummeernimi allagartat aqutigalugit uppersaaserneqarsimanissaat ilimanangilaq.

Nalunaarusiami 'kuultisut nalitutigisut – aaqqissuussaangitsumik piginnaasanik pissarsianik atuineq pillugu nalunaarusiaq'<sup>39</sup> ilisimatusartut assersuutininik, inunnik aaqqissuussamik ilinniarsimangitsunuk imaluunniit killilimmik ilinniarsimasunik iluatsilluartumik suliffeqarfeqarfimmi peqataalersinneqartunik arlalinnik katersisimapput. Nalunaarusiami aamma, pianaanermik suliffissuaqarfimmi inunnut killilimmik aaqqissugaasumik piginnaasalinnut, kisianni annertuumik

---

<sup>37</sup> (Kalaallit Nunaanni Teknikimik Ilinniarfik (KTI), 2019)

<sup>38</sup> (SUNNGU Kalaallit Nunaata ilinniakkanut najoqqutassiaa, 2019)

<sup>39</sup> (Kleist & Knudsen, 2016)

ilitsoqqussaralu ilisimasalinnut suliffissanik pilersitsinissamut periarfissat erseqqissarneqarput.

## 8 Peqqinnissaq

Kalaallit Nunaanni peqqinnissamik isumaginninneq tamarmi akeqangilaq, ilagalugit kigutileritinnerit aamma naartunaveersaatit. Kalaallit Nunaanni ataatsimik napparsimavissuaqarpoq, taanna Nuummi inissisimavoq. Nunap ilaani allanik sisamanik napparsimaveqarpoq; Ilulissani, Aasianni, Sisimiuni aamma Qaqortumi. Illoqarfiit aamma nunaqarfiit peqqissaaveqarput imaluunniit oqarasuaatikkut nakorsaatinut atortorissaaruteqarput. Napparsimasup perlulluni napparsimassappat, napparsimasoq Danmarkimut nuutsinneqassaaq<sup>40</sup>. Qaanaap illoqarfia peqqissaaveqarpoq, nunaqarfiit pingasut tamarmik napparsimaveeraqarput.

Kalaallit Nunaanni agguaqatigiissillugu ukiut inuuffiit naatsorsuutigineqartut angutitut ukiut 69,1-iupput aamma arnanut ukiut 73,5-iupput<sup>41</sup>. Danmarkimut naleqqiullugu taakku appasinnerupput, tassani ukiut inuuffiit naatsorsuutigineqartut ukiut 79,0-iupput aamma 82,9-iupput, angutitut aamma arnanut, taama tulleriillutik<sup>42</sup>. Ukiut inuuffiit appasinneranut ilaatigut inuusuttut akornanni imminut toquttarneq aamma ajunaarnerit procentinngorlugit pissutaapput. Kalaallit Nunaanni procentinngorlugit innuttaasut 1.000-iugaangata inuit 8,98-t toqusarput<sup>43</sup>.

Nalunaarsuiffik 10-p takussuserpaa Kalaallit Nunaanni 2013-p 2015-illu akornanni toqussutigineqarsimasut. Kræfti toqussutigineqarsimasuni nalinginnaanerpaavoq. 2017-imi inuit 99-it kræftimik toqussuteqarsimapput. Nalunaarsuiffimmi ersersinneqarput, toqussutigineqarsimasukkaarlugit toqusut amerlassusaat 2013-ip 2015-illu akornanni allanngorartuunngitsut. Taamaallaat tunillatsilluni nappaatit, ajunaarnerit aamma imminut toqunnerit allanut naleqqiullugit annertuumik qaffassimapput imaluunniit apparsimapput. Nalunaarsuiffik 11-mi ersersinneqarput Qaanaami 2010-p 2013-illu akornanni toqussutigineqarsimasut<sup>44</sup>. Aamma kræfti Qaanaami toqussutigineqarsimasuni nalinginnaanerpaavoq.

Nalunaarsuiffik 11-mi aamma ersersinneqarpoq Qaanaaq imminut toquttarneq ukiumut ataatsip missaa siumorneqartartoq. Oktobarimi 2018-imi Qaanaaq nutaamik namminerisamik imminut toquttarneq pinaveersaartinniarlugu ikiuinnermut suliniummik aallartisisimavoq. Suliniut inuusuttunut tunngavoq aamma inuusuttunit 14-it 22-illu akornanni ukiulinnit ingerlanneqassaaq. Aallarniilluni ataatsimiinnermi inuusuttut siunnersortinit assigiinngitsunit siunnersorneqarsimapput. Anguniagaavoq inuusuttut, imminut toquttarneq pinaveersaartinniarlugu ikiuinnermini, nammineq suliniutitik oqilisassagaat<sup>45</sup>.

---

<sup>40</sup> (Kalaallit Nunaanni Kisitsisit 2018)

<sup>41</sup> (Kalaallit Nunaanni Kisitsisit 2018)

<sup>42</sup> (Danmarks Statistik)

<sup>43</sup> (Kalaallit Nunaanni Kisitsisit 2018)

<sup>44</sup> Kisitsisinngorlugit paasissutissat kingulliit

<sup>45</sup> (Avannaata Kommunia, 2018)

*Nalunaarsuiffik 10: Kalaallit Nunaanni toqussutigineqarsimasut (Pissarsiffik: (Landslægeembedets årsberetning 2016)).*

	2013	2014	2015
Katillugit	421	442	435
Tunillatsilluni nappaatit	22	12	21
Kræfti	105	109	99
Qinersini inuup inuussutissanik suliarinninnerata pissusissamisuunnginneranit nappaatit	11	8	6
Uummaserisarnerit	55	64	55
Timimi kaaviaartunit nappaatit allat	34	30	34
Anersaartuutini nappaatit	30	38	41
Nerisat aqqutaanni nappaatit	17	15	22
Ajunaarnerit	23	15	27
Imminut toqunneq	42	45	32
Toqutaaneq	3	3	3
Allat	79	103	95

*Nalunaarsuiffik 11: Qaanaami toqussutigineqarsimasut (Pissarsiffik: Kalaallit Nunaanni Naatsorsueqqissaartarfik, SUXLDA1).*

	2010	2011	2012	2013
Katillugit	7	5	5	14
Tunillatsilluni miluussimaannartunillu nappaatit	1	0	0	2
Kræfti	1	2	2	1
Uummaserisarnerit	1	0	0	1
Timimi kaaviaartunit nappaatit allat	1	0	1	2
Anersaartuutini nappaatit	0	0	1	1
Nerisat aqqutaanni nappaatit	0	0	0	2
Kinguaassiornermi quinermilu timip atortui	1	0	0	0
Nappaatit inunngungajalernermit inoorlaajunermillu aallaaveqartut	1	0	0	0
Inunnguuseralugu pissusissarinngisamik ilusillit aamma kromosomit ajoquteqarneri	0	0	0	0
Malunniutit/ilisarnaatit, takussutissat ajoqutinillu pissusissamisuunngitsunik, allami klassinut immikkoortinneqanngitsunik nassaarneq	0	1	0	3
Ajunaarnerit	0	0	0	1
Imminut toqunnerit imminoriaraluarnerrillu	1	2	1	1

Kalaallit Nunaat procentinngorlugit amerlasuunik sakiialluttoqarpoq (TB), tamanna Afrikami, Aasiami aamma Latinameriami nunanut assersuunneqarsinnaavoq. Sakiialluttut (TB) amerlassusaat 1980-ikkunniilli aamma 2010 tikillugu amerliartorsimapput. 2010-miilli sakiialluttut amerlassusaat aalajaatsumik ikiliartorsimapput. 2017-imi Kalaallit Nunaanni 57-inik sakiialluttoqarsimavoq, taassuma procentinngorlugit inuit 100.000-iugaangata nalunaarutigineqartut 102-t naliga assigalugu. 2017-imi Kommuni Kujallermi inuit 100.000-ikkaarlugit sakiialluteqartut amerlanerpaasimapput, aamma Qaasuitsup Kommuniani



ikinnerpaasimapput. Qaanaami 2015-ip 2017-illu akornanni procentinngorlugit inuit 100.000-ikkaarlugit sakiilluuteqartoqarsimangilaq<sup>46</sup>.

Kalaallit Nunaanni nappaatit kinguaassiutitigut tuniluuttartut Nunat Avannarliit sinnerinut naleqqiullugu nalinginnaanerupput<sup>47</sup>. Nalunaarsuiffik 12-imi ersersinneqarput Kalaallit Nunaanni Qaanaamilu nappaatit kinguaassiutitigut tuniluuttartut amerlassusaat. Kalaallit Nunaanni klamydia nappaatini kinguaassiutitigut tuniluuttuni nalinginnaanerpaavoq. 2017-imi 3.447-inik nappaateqartoqarsimavoq, taama innuttaasut klamydiamik nappaateqartut 6,2 %-it nalinga assigalugu. Qaanaami nappaatillit procentinngorlugit assigingajappaa. Eqimattakkaani 15-iniit 29-llu akornanni ukiulinni klamydia nappaat nalinginnaanerpaavoq. Gonorré aamma syfilisi klamydiamit nalinginnaannginnerupput. Kalaallit Nunaanni innuttaasut gonorrértut procentinngorlugit 2,2 %-iusimapput, massa Qaanaami 1 %-inik appasinnerusimasoq. Gonorré aamma eqimattakkaani 15-iniit 29-llu akornanni ukiulinni nalinginnaanerpaavoq.

*Nalunaarsuiffik 12: Qaanaami Kalaallit Nunaannilu nappaatit kinguaassiutitigut tuniluuttartunut misissuinerit nassaarfiusut amerlassusaat, 2017 (Pissarsuiffik: Kalaallit Nunaanni Naatsorsueqqissaartarfik, SUXLSKS1 aamma nammineq naatsorsuinerit).*

	Kalaallit Nunaat			Qaanaaq		
	Gonorré	Klamydia	Syfilisi	Gonorré	Klamydia	Syfilisi
-4	5	4	0	0	0	0
5-9	0	0	0	0	0	0
10-14	25	51	0	0	0	0
15-19	409	1,088	1	6	15	0
20-24	345	1,029	4	0	15	0
25-29	207	618	9	0	4	0
30-34	114	328	0	0	6	0
35-39	43	158	0	0	2	0
40-44	31	67	0	0	0	0
45-49	26	50	3	0	2	0
50-54	9	29	1	0	0	0
55-59	4	23	2	0	2	0
60-64	3	0	1	0	0	0
65-69	1	2	0	0	0	0
total	1,222	3,447	21	6	46	0
Innuttaasut %-ii	2.2 %	6.2 %	0.04 %	0.8 %	6.1 %	0.0 %

<sup>46</sup> (Nunatsinni nakorsaaneqarfimmit ukiumoortumik nalunaarusiaq 2017)

<sup>47</sup> (Kalaallit Nunaanni Kisitsisit 2018)

## 8.1 Akuersissuteqarfimmi innuttaasut peqqissusaat

Thule Air Base Moriusap 40 km-it missaanik kujataani-kangisissuani inissisimavoq, Uummannap Kangerluata (Wolstenholmen Fjord) illuata tungaani/akiani, soorlu Takussutissiaq 22-imi takuneqarsinnaasoq.

Sumiiffimmi innuttaasut ilaat, piffissap ingerlanerani Thule Air Basemit aamma 1968-imi timmisartup nakkarneranit mingutsitsinerit aamma qingornernit peqqissutsimut sunniutinut attuumassutilinnik ernumassuteqartarsimapput.

2010-mi Avannersuup eqqaani itisilikkamik peqqissutsimut misissuineq, taamaamat pitsaassuseq aallaavigalugu misissueriaatsimik ilaqarsimavoq sumiiffimmi najugaqarnermit peqqissutsimut aarlerinartunik misigisat nalilersuiffiginarlugit aamma uppersarsarniarlugit. Misissuinermit itisilikkamik apeqqarissaarnerit 23-t ingerlanneqarsimapput tamat ilaatillugit ukiut aamma suaassutsit assigiinngitsut eqqarsaatigalugit. Misissuinermit paasineqarsimavoq Qaanaami innuttaasut ilaannut plutoniumimit mingutsitsinerit pingaaruteqartut. Nalinginnaasumik aallaavinnit assigiinngitsunit mingutsitsinerit ernumassutigineqarput, ingammik timmisartup nakkarneranit plutoniumimit mingutsitsinerit sunniutaat, kisianni aamma nalinginnaasumik mingutsitsinerup annertusiartorneranit, ingammik Thule Air Basep eqqaavianit. Apersorneqartut amerlanersaasa oqaluttuaraat, isumaqarlutik uumasut sumiiffiup eqqaaneersut neqaannik nerinermit mingutsitsinerit siaruarsinnaasut<sup>48</sup>. ISN-imut matumunnga apeqqarissaarnerup 2017-imi ingerlanneqarnerata nalaani, sumiiffimmi piniartut assinganik oqaaseqarsimapput, sumiiffimmi piniarneq ajorlutik, isumaqaramik inuit, imminnut ilanngullutik, nakkarfiup eqqaani sumiiffimmi imaani uumasunik piniakkat neqaannik nerinaviarnatik.

Ataani mingutsitsinermit aallaaviusinnaasut marluk allaaserineqarput, tamatumalu kingorna innuttaasuni peqqissutsip qanoq inneranit inernerit, allaaserineqarlutik.

### Timmisartup nakkarneranit radiup qingornerinik mingutsitsineq

Januaarip 21-ani 1968-imi, Amerikamiut timmisartuat qaartartunik nakkaatitsisartoq B-52, sakkunik radioaktivusunik sisamanik useqarluni, Thule Air Basemut mikkiartoraluarluni iluatsinngitsumik ajornartoorluni nakkarsimavoq. Nakkarneq plutoniumip aamma atortut allat eqqani avatangiisinut siaruarsimanerannik kinguneqarsimavoq. Timmisartoq Thule Air Basep aamma Appat (Saunders Island) akornata missaani sikumut nakkarsimavoq.

Nakkarnerata kingorna, misissuinerit arlallit ingerlanneqarsimapput, mingutsitaasinnaasut aamma saliinerup nalaani sulisut namminerisamillu ikiuuttut, inuillu piffissami tassani sumiiffimmi najugaqartut siunissaq ungasinnerusoq eqqarsaatigalugu peqqissusaannut sunniutit, kiisalu ullumikkut sumiiffimmiinnermi peqqissutsimut sunniutaasinnaasut misissorniarlugit.

---

<sup>48</sup> (Bjerregaard & Dahl-Petersen, 2011)



Takussutissiaq 22: Nunap assinga Avannersuarmi peqqinneq pillugu ilisimatusarnermi apeqqarissaarnerup nalaani atorneqarsimasoq. Timmisartup nakkarsimasup sumiiffia, timmisartup ilusaanik takussuserneqarsimavoq. Titarneq aappaluttoq tunngaviusumik paasissutissamut matumunnga ilanngunneqarsimavoq aamma Dundas Ilmenitimik Suliniummut akuersissuteqarfimmik takussusiivoq. (Pissarsiffik: Bjerregaard & Dahl-Petersen, 2011).

Peqqissutsimut misissuinerit saniatigut, ilisimatusarnermit nalunaarusiat arlallit timmisartup sumiiffimmut nakkarfiata eqqaani mingutsitaasinnaasut misissorsimavaat. Nalunaarusiami 2011-meersumi "The Thule Accident: Assessment of Radiation Doses from Terrestrial Radioactive Contamination, (Qulequtip nutsernera: Thulemi ajunaarneq: Nunami radiup qinngornerninik mingutsitsinermit qinngornerit annertussusaannik nalilersuineq)", qinngornerit aqqutigisinnaasaat pingasut misissorneqarsimapput: Anersaartorneq, iisineq aamma ikikkut mingutsitsineq<sup>49</sup>.

Nalunaarusiaq qinngornerit annertussusaannik aamma Thulep eqqaani inuinnarnut nunamit radiup qinngornerinik mingutsitsinerit kingunerinit navianarsinnaasunik nalilersuivoq. Nalunaarusiaq ima inerniliivoq: "National Institute of Radiation Protection (nutserlugu: Naalagaaffiup qinngornernut illersorniarluni institutia) naliliivoq, Thulep eqqaani inunnik amerlanernut sinniisunut 1968-imi Thulemi ajunaarnerup kinguneranit plutoniumimik mingutsitsinermit tamakkiisumik annertussutsit, naleqqiussinermit killigititanit innersuussisutigineqartunit appasinnerusut, allaat pissutsit pisullu ingasattut ataanni"<sup>50</sup>

<sup>49</sup> (Statens institut for Strålebeskyttelse, 2011)

<sup>50</sup> (Statens institut for Strålebeskyttelse, 2011)

## **Thule Air Basemit mingutsitsineq**

Thule Air Base 1950-ikkunni sananeqarsimavoq aamma 500-t sinnerlugit sakkutooqarfik sulisoqarpoq. Siusinnerusukkut sakkutooqarfimmi eqqaavissuit nakkutiginerat killeqarsimavoq. 2002-mi Danmarkimi Avatangiisinik Misissuisoqarfik (DMU) Thule Air Basep sineriaata avatinnnguani imaani avatangiisinik misissuisimavoq. Misissuinerup siunertarisimavaa Thule Air Basemi ingerlatsinerit aamma eqqaavissuup imaani avatangiisiinut pitsaanngitsumik sunniuteqarsimanersut nalilersussallugu. Misissuinermi paasineqarsimavoq Thule Air Basep sineriaata eqqannguani sananeqaatit mingutsitsisut killigititanit annertunerulersimasut. Misissuinermi paasineqarpoq mingutsitsilluni ajornartorsiutit annerpaat tassaasut PCB-t. Avatangiisini qaninnerusumiittuni annertussutsit 2-miit 30-riaammik sumiiffinnut allanut aamma nunap ilaanut naleqqiullugit qaffasinnerupput. Misissuinermi aamma paasineqarsimavoq kangussat aqerlullu qaffasinnerusut aamma kromi, zinki, kviksølvi, arsenikki, PAH aamma HCH sumiiffiup qanittuani annikitsumik qaffasinnerusut. PCB kimittoq taamaallaat peqqissutsimut qaffasinnerusumik sunniutaasinnaasoq paasineqarsimavoq, sumiiffimmi aalisakkat uumaffiini kanassut tinguinik annertuumik inuk nerisarpat, aamma sunniut eqqaavissuarmiit 54-10 km-it iluanni taamaallaat takuneqarsinnaavoq<sup>51</sup>.

## **Akuersissuteqarfimmi najugaqarnermi peqqinnermut sunniutit**

2010-mi peqqissutsimik misissuineq, peqqissutsimut annertussutsit aallaavigalugit misissuinerinik ilaqarsimavoq, ilagalugit Avanersuarmi nappaatinut aamma toqunernut nalunaarsuiffinnik misissuineq. Misissuinermi immikkut ukkatarineqarsimapput inuit Moriusami qaquguluunniit 1968-ip aamma 2007-ip akornanni najugaqarsimasut (Moriusaq akuersissuteqarfiup iluani inissisimavoq).

Misissuinerup, Moriusaq imaluunniit Avanersuaq, Qaasuitsup Kommunanut imaluunniit Kalaallit Nunaat tamakkerlugu naleqqiukkaanni, toqusoqartarneq ataatsimut isigalugu, pissusissamisoortumik toqusoqartarnera, imaluunniit kræftimit toqusoqartarneq isigiganni, toqusoqartarneq annertusiartornerusooq aalajangiussinnaasimangilaa. Nappaat akulikinnerusumik toqussutaasartooq tassaasimavoq bronkitisi anigorneqarsinnaanngitsooq (Avanersuaq, Qaasuitsumi nunaqarfinnut naleqqiullugu). Misissuinermi aappaatigut paasineqarsimavoq Avanersuarmi pissusissamisoortumik toqusarnerit tamarmik procentinngorlugit appasinnerusut, kisianni persuttaanermik peqquteqartumik (ajoqusernerit, imminut toqunnerit aamma toqutsinerit) toqusoqartarnera tamatuma kinguneranik procentinngorlugit qaffasinnerusut<sup>52</sup>.

Misissuineq aamma inerniliivoq, Moriusami Avanersuarmiluunniit innuttaasuni toqusoqartarneq imaluunniit kræftimik nassaarnerit, timmisartup B-52-ip nakkarneranit radiup qinngornerinik qinngortinnernit peqquteqartunik ajortumik sunnerneqarsimanersut takussutissaqanngitsooq. Taamaattoq erseqqissarneqarpoq innuttaasut ikittunnguusut, aamma toqusut amerlassusaat amerlanngitsut, taamaammat kisitsisitigut inerniliissutit tatiginartut pilersinnissaat ajornakusoortoq<sup>53</sup>.

Qinngortinnermi/mingutsitsinermi nalinginnaasumik aarlerinerit saniatigut, peqqissutsimik misissuinerit tikkuaapput, nalinginnaasumik pisortanit kukkusumik paasissutissiisoqartartoq aamma pisortanut tatiginninnginnerit misigineqartut. Uparuarneqarpoq misissuinermi apersorneqartut, pisortanit tatiginninnginneq

<sup>51</sup> (Danmarks Miljøundersøgelser, 2003)

<sup>52</sup> (Bjerregaard & Dahl-Petersen, 2011)

<sup>53</sup> (Bjerregaard & Dahl-Petersen, 2011)

aamma ataqqineqannginneq, mingutsinneqarsinnaasumut taamaallaat attuumassuteqartutut immikkoortinneqanngitsoq, kisianni aamma 1953-imi Uummannamit Qaanaamut nuutsitaanermut pisunullu allanut attuumassuteqartut, tassani innuttaasut tusarneqarsimallutik imaluunniit paasisuttissinneqarsimallutik misigisimangillat<sup>54</sup>.

## 9 Oqaatsit aamma kulturi

Kalaallit Nunaanni pisortatigoortumik kalaallisut oqaatsit oqaaserineqarput, kisianni qallunaatut oqaatsit annertuumik oqaaserineqarput, aamma qallunaatut oqaatsit pisortat allaffissorneranni aamma meeqqat atuariaata kingorna ilinniartitsinermi oqaaserineqarput. 2003-mi oqaatsinit marluusunit innuttaasut 30 %-ii ataataarlugit taamaallaat kalaallisut oqaatsinik oqaaseqarput, 10 %-init ikinnerusut taamaallaat qallunaatut oqaatsinik oqaaseqarput, massa innuttaasut sinneri 60 %-it oqaatsinik marlunnik oqaaseqartut<sup>55</sup>.

Kalaallisut oqaatsit inuit oqaaserivaat. Kalaallit Nunaanni, Canadami aamma Alaskami inuit katillugit 100,000 missaat inuit oqaasiinik oqaaseqarput. Kalaallit Nunaanni pingasunik sumiorpaluuteqarpoq: Kitaamiutut, tunumiusut aamma Avannersuarmiusut. Avannersuarmiusut taamaallaat Qaanaami eqqaanilu oqaaserineqarpoq.

Avannersuarmi innuttaasut Canadamit kingusinnerusukkut nunasisunit kingoqqisuupput, Kalaallit Nunaata sinnerani inunnit inuit kingoqqisunut naleqqiullugit. Avannersuarmi innuttaasut Inughuarnik taaguuteqarput (inuit tulluusimaartut) aamma nunaqqatigiit kulturikkut ilitsoqqussaat soorlu qilaatersortarneq aamma qajartortarneq innuttaasut kulturikkut inuuneranni pingaaruteqarput.

Sumiiffiup avinngarusimanera pissutaalluni, Avannersuaq Kalaallit Nunaanni nunasiartaarineqarsimavoq kingullerpaaq. Tamanna 1937-mi pivoq Danmarkip Knud Rasmussenip niuerfia tigummassuk. Sumiiffik nunasiaajunnaartuni aamma kingullersaavoq. Tamanna piviusunngorpoq, inuit nunaqarfimmi Uummannami inuusut nunasiteqqillugit nuunneqarmata, Thule Air Basemik sanaartorneq pissutigalugu. Inuit amerlanersaat Qaanaamut nuunneqarput<sup>56</sup>.

Imaalluarsinnaavoq, sulii ilaatigut ilaqutariissuit aqqissugaaneqartoq, ingammik Qaanaap illoqarfiani, inuit ilaannik immikkut pisinnaatitaaffinnik qulakkeerinnittut soorlu pisortaqarfanni suliffeqarnernik. Aqqissugaanerit taamaattut inuiaqatigiit akornanni immikkuulernermit iluaqutaasarpur, ineriartormernik ingalassimatitsinnaasunik<sup>57</sup>.

## 10 Pinngortitamik aamma nunamik atuineq

Ilmenitisorfik akuersissutip sumiiffimmik 30 km-it missaannik takitigisumik aamma 3 km-it silitsigisumik ilaqarpoq. Akuersissuteqarfik nunaqarfiusimasumi Moriusami inissisimavoq (takuuk immikkoortoq 10.1). Sumiiffik Amerikamiut sakkutooqarfiata 'Thule Air Base' -mit 40 km-it avannamut inissisimavoq.

Akuersissuteqarfimmi inunnik najugaqartoqanngilaq. Taamaattoq, Moriusami illut ilaat inuinnarnit pigineqarput, aamma sulinngiffimmi illut atorineqarsinnaapput. Akuersissuteqarfik aamma inunnit umiatsiamik Savissiviup aamma Qaanaap akornanni angalasunit sanioqqunneqartarpoq.

<sup>54</sup> (Bjerregaard & Dahl-Petersen, 2011)

<sup>55</sup> (Saammaateqatigiinnissamat Isumalioqatigiissitaq, 2017)

<sup>56</sup> (Hendriksen & Hoffmann, 2016)

<sup>57</sup> (Hendriksen & Hoffmann, 2016)

Soorlu annikitsortaanik ilanngussisumik immikkoortoq 8 **Fejl! Henvisningskilde ikke fundet.**-mi allaaserineqartut, nunaqqatigiinni piniartut oqaaseqarsimapput sumiiffik aalisarnermut piniarnermullu atorneqarneq ajortoq. Inuit amerlanerit B52-ip brintimit qaartartuliamik usisup, sumiiffimmi 1968-imi nakkarsimasup sinnerinit neqip toqunartoqarsinnaanera annilaangassutigalugu neriumasanngikkaat oqaaseqarsimapput<sup>58</sup>.

## 10.1 Moriusaq

Moriusaq nunaqarfittut 1963-imi nalilerneqarpoq. 1980-imit kinguneranilu innuttaasut 80-it nunaqarfimmi najugaqarsimapput<sup>59</sup>. Tamatumali kingorna innuttaasut aalajaatsumik ikiliartuinnarsimapput, nunaqarfiup pisortatigoortumik 2010-mi matunerata tungaanut<sup>60</sup>. 2009-mi inuit marluinnaat Moriusami najugaqarsimapput.

Kalaallit Nunaanni pisortat pilersuinissamut pisussaaffeqarnerat pissutigalugu, Moriusap nunaqarfittut ingerlanneqarnissaanut aningaasartuutit ukiumut 2 mio. kr.-it missaaniissimapput<sup>61</sup>. Septembari 2009-mi Kalaallit Nunaanni Namminersortut, Moriusami najugaqartut kingulliit nunaqarfimmik qimatsinissaat pillugu oqaloqateqarnissaq aallartinniarlugu aalajangersimapput. Tassani aamma aalajangerneqarpoq najugaqartut sinnerinik isumaqatigiissuteqartoqarsimalerpat ingerlatat pisortanit aningaasalersorneqartut tamakkerlutik unitsinneqassasut<sup>62</sup>. Moriusami najugaqartoq kingulleq Qaanaamut 2010-mi nuuppoq.

Nunaqarfik qimanneqarsimasooq 20-t missaannik illoqarpoq, ataatsimik oqaluffeqarpoq, ataatsimik iliveqarfeqarpoq, ataatsimik pisiniafeqarpoq, ataatsimik innaallagissiorfeqarpoq aamma ataatsimik qulimiguulinnut mittarfeqarpoq. Moriusap assilineri Takussutissiaq 23-mi takuneqarsinnaavoq.

Nunaqarfiup qimanneqarnerata kingorna, illut inunnit Pituffiup eqqaanut piniariartunit imaluunniit Savissivimmu/Savissivimmilluunniit, Qaanaamut Qaanaamiillu angalasunit uniffittut killilimmik atorneqartarsimapput.



*Takussutissiaq 23: Moriusap assinga, Aasaq 2016, assiliisoq Flemming Pagh, Orbicon.*

---

<sup>58</sup> Febrauari 2017-imi piniartunik apeqqarissaarfiginnineq. Tamanna itinerusumik ISN-imi allaaserineqarpoq.

<sup>59</sup> (Kamikposten, 2010)

<sup>60</sup> (Kalaallit Nunaanni Naatsorsueqqissaartarfik, u.d.)

<sup>61</sup> (KNR, 2009)

<sup>62</sup> (Naalakkersuisut, 2009)

## 10.2 Akuersissuteqarfimmi itsarsuarnitsanik misissuinermi nassaat

Thulep eqqaa qanga Canadamit Alaskamillu Kalaallit Nunaannut nuuttarnernik paasinninnissamut annertuumik pingaaruteqarpoq.

2018-imi aasakkut Nunatta Katersugaasivia Allagaateqarfialu (NKA), akuersissuteqarfimmi ingerlatanut attuumassuteqartumik itsarsuarnitsanik misissuinermik ingerlatseqqullugit isumaqatigiissuteqarfigineqarsimavoq. Akuersissuteqarfik Kalaallit Nunaanni Eskimuut aamma Inuit kiisalu Qallunaatsiaat pillugit itsarsuarnitsanik assaanermit uppersaataasissaqarpoq.

Misissuinermi, akuersissuteqarfimmi sumiiffiit aamma/imaluunniit ilusit/sannat 89-it nalunaarsorneqarsimapput<sup>63</sup>, taakkunannga qulingiluat itsarsuarnitsatut nalilernerqarsimapput. Suliniutip ilusilersornera aamma ingerlatat sumiiffinnik taakkuninnga sunniissappata, taava itsarsuarnitsanik assaalluni misissuineq tamakkiisoq ingerlanneqartariaqarpoq<sup>64</sup>.

## 11 Inuiaqatigiinni ajornartorsiutit

### 11.1 Pinerluttuliortarneq

Takussutissiaq 24-mi ersersinneqarpoq, Kalaallit Nunaanni pinerluttuliortarnerit procentinngorlugit, Danmarkimut Savalimmiunullu naleqqiullugu qaffasinnerusut. Inuit 1000-ikkaarlugit inatsisinik unioqqutitsinerit 2017-imi 76-iusimapput. Danmarkimi Savalimmiunilu kisitsit 65-iusimavoq aamma qulusimapput, taama tulleriillutik.

Kalaallit Nunaanni Politiit naapertorlugit, pinerluttuliortarnermi ajornartorsiutit annersaasa ilagaat persuttaasarneq. 2017-imi persuttaanerit 854-it nalunaarutigineqarsimapput. Tamanna 2016-imit 9 %-imik qaffariarneruvoq, aamma 1980-ikkulli aallaqqaataanit kisitsisinit nalunaarutigineqarsimasunit qaffasinnerpaavoq. Kalaallit Nunaanni innuttaasut ataasiakkaarlugit persuttaanerit nalunaarutigineqartartut, Danmarkimit sisamariaammik amerlanerupput. Kalaallit Nunaanni ajornartorsiut annertoq alla tassaavoq, kinguaassiuutitigut kannguttaatsuliorfigitinnerit nalunaarutigineqarsimasut amerlanerujussui, tamannalu ukiut kingulliit arlallit allanngorsimanngilaq. Meeqqanik kinguaassiuutitigut kannguttaatsuliorfiginninnerit nalunaarutigineqarsimasut amerlassusaat, ineriartornerup assiganik allanngorsimannginneranik ersersitsivoq. 2017-imi kinguaassiuutitigut kannguttaatsuliorfiginninnerit 132-t nalunaarutigineqarsimapput aamma meeqqanik 15-it inorlugit ukiulinnik kinguaassiuutitsigut inooqatigiinnerit 69-it nalunaarutigineqarsimapput<sup>65</sup>. Meeqqanut kinguaassiuutitigut kannguttaatsuliorfiginninnerpassuit politiinut nalunaarutigineqanngisaannarput<sup>66</sup>.

Kalaallit Nunaanni pinerlunnerit suussusaata ilaanni pitsaasumik ineriartorneq takuneqarsinnaavoq. Pigisanut pinerlunnerit, soorlu illuni tillinniarnert aamma tillinniarnert nalunaarutigineqarsimasut amerlassusaat, 2017-imi oqaluttuarisaanermi appasinnerpaasimapput. Suliassaarfik alla, politiinut nalunaarutininik annertuumik appariafiusoq tassaavoq inuusuttut

---


<sup>63</sup> Tamarmiunngitsoq

<sup>64</sup> (Nunatta Katersugaasivia Allagaateqarfialu, 2018)

<sup>65</sup> (Grønlands Politi)


<sup>66</sup> (Rosa, 2017)

pinerluttuliortarnerat. Kisitsit 2012-imiilli appariartorsimavoq aamma 2016-ip aamma 2017-ip akornanni 24 %-imik appariarsimavoq<sup>67</sup>.



*Takussutissiaq 24: Kalaallit Nunaanni, Danmarkimi aamma Savalimmiuni inuit 1000-ikkaarlugit inatsisinik unioqqutitsinerit (Pissarsiffik: Kalaallit Nunaanni Politiit).*

Takussutissiaq 25-imi Qaanaami 2013-ip 2017-illu akornanni inatsisinik unioqqutitsinerit ersersinneqarput. Kisitsit appariartorsimavoq, 2015-imi qaffiarneq eqqaassanngikkaanni. 2017-imi, inatsisinik unioqqutitsinerit 39-t nalunaarutigineqarsimapput. Nalunaarsuiffik 13-imi ersersinneqarput inatsisinik unioqqutitsinerit sorliit Qaanaami 2017-imi unioqqutinneqartarnersut. Inatsisinik unioqqutitsineq nalinginnaanerpaq tassaavoq illuni tillinniarneq 17-it eqqartuussivimmi suliarineqarsimallutik. Inatsisinik unioqqutitsineq nalinginnaanerpaap tullia tassaavoq persuttaaneq 12-it eqqartuussivimmi suliarineqarsimallutik. 2017-imi aamma arfineq marlunnik kinguaassiuutitsigut pinerluttoqarsimavoq, taakkunannga pingasut pinngitsaaliinerusimallutik, pingasut meeqqanik 15-it inorlugit ukiulinnik kinguaassiuutitsigut inooqatigiinnerusimallutik aamma ataaseq innuttaasut ileqqorissaarnerannut inatsisinik unioqqutitsinerusimalluni. Qaanaaq aamma 2017-imi ataatsimik toqutsiffiusimavoq.



<sup>67</sup> (Grønlands Politi)



Takussutissiaq 25: Qaanaami inatsisinik unioqqutitsinerit 2013-ip 2017-illu akornanni nalunaarutigineqarsimasut amerlassusaat (Pissarsiffik: Kalaallit Nunaanni Politiit).

Nalunaarsuiffik 13: Qaanaami unioqqutitsinerit suussusaat, 2017 (Pissarsiffik: Kalaallit Nunaanni Politiit).

	Unioqqutitsinerit amerlassusaat
<b>Toqutsinerit aamma persuttaanermik pinerlunnerit</b>	
- toqutsinerit	1
- persuttaanerit	12
<b>Kinguaassiuutitsigut pinerlunnerit</b>	
- pinngitsaaliinerit	3
- meeqqamik 15-it inorlugit ukiulimmik kinguaassiuutitsigut inooqatigiinneq	3
- innuttaasut ileqqorissaarnerannut inatsisinik unioqqutitsinerit	1
<b>Pigisat pillugit inatsisinik unioqqutitsineq</b>	
- illuni tillinniarneq	17
- tillinniarneq	2
- peqquserlunneq, allap pianik imminut paarititanik peqquserluuteqarneq il. il.	1
- pisiniarfanni tillinniarneq	1
<b>Aserorterineq</b>	8

## 11.2 Angerlarsimaffeqanngitsuuneq

Qaanaaq inissaaleqinermik annertuumik ajornartorsiuteqarpoq. Taamaammat nalinginnaavoq kinguaariit pingasut inini marlunni najugaqatigiittarnerat<sup>68</sup>. Missingersuutigineqarpoq Qaanaap illoqarfiani inersimasut sisamararterutaasa missaat angerlarsimaffeqanngitsuusut aamma ikinngutimik imaluunniit ilaqtutamik angerlarsimaffianni allatut ajornartumik sinittariaqartartut<sup>69</sup>.

## 11.3 Ikiaroorartunik/imigassamik atornerluineq


Kalaallit Nunaanni inuit allanut naleqqiullugit amerlasuut imigassamik ajornartorsiuteqarput.

Takussutissiaq 26-imi ersersinneqarput inuit ataasiakkaarlugit sapaatip akunneranut imigassat imerneqartartut amerlassusaat. Kisitsit ukiut qulit kingulliit ingerlaneranni aalajaatsumik appariartorujoorsimavoq. 2017-imi, kisitsit inuit 14-it sinnerlugit ukiullit ataasiakkaarlugit sapaatip akunneranut, imigassat 11-t missaannik amerlassuseqarput. Imigassamik imertarneq innuttaasut tamakkerlugit agguataarneqarpat, kisitsit inuit ataasiakkaarlugit sapaatip akunneranut imigassat imerneqartartut 8,5-ip missaanniissaaq. Danmarkimi kisitsisit taakku assingi tassaapput 9,9 aamma 11,7 taama tulleriillutik<sup>70</sup>.

<sup>68</sup> (Hendriksen & Hoffmann, 2016)

<sup>69</sup> (Sæhl, Kirk, & Veihe, 2018)

<sup>70</sup> (Danmarks Statistik) aamma nammineq naatsorsuinerit



*Takussutissiaq 26: Inuit ataasiakkaarlugit sapaatip akunneranut imigassat imernejartartut amerlassusaat 2007-ip 2017-illu akornanni, Kalaallit Nunaat (Pissarsiffik: Kalaallit Nunaanni Naatsorsueqqissaartarfik, ALXALK4).*

Kalaallit Nunaanni sumiiffiit allat assigalugit, Qaanaap aamma imigassamik atuinermik annertuumik ajornartorsiuteqarpoq. Ajornartorsiut ima annertutigaaq allaat, Qaanaaq 2007-mi sumiiffimmi imigassamik atuinerup qaffasinnerujussua pissutigalugu Danmarkimi tusagassiuutinit sammeneqarnerpaasimalluni. Qallunaaq filmiliami iltersuisoq Karen Littauer 2007-mi Qaanaami meeqqanik isiginnaartitsivimmik suliniummik ingerlatsisoq. Suliniutip piffissami ingerlanerata nalaani, Karen Littauerip takulersimavaa meerarpassuit sumiginarneqartartut, angajoqqaavisa imigassamik atuisarneri pissutaallutik. Arnar taassuma oqaluttuaq Danmarkimi tusagassiuutinit apuussimavaa, kinguneratigullu Qaanaami angajoqqaanik meeqqat pisinnaatitaaffiinik unioqquitsinera pillugu Politiinut nalunaarutigineqarsimavoq. Pineqartoq taanna Danmarkimi Kalaallit Nunaannilu tusagassiuutinit annertuumik oqallisigineqarsimavoq<sup>71</sup>. Pineqartoq taanna ima sammeneqartigisimavoq, allaat Kalaallit Nunaanni Naalakkarsuisut, Qaanaami eqqaanilu nunaqarfinni imigassanik 2,5 %-it sinnerlugit imigassartalinnik sassaalliteqarneq aamma tuniniaaneq tamaat inerteqqutigilerlugu<sup>72</sup>. Inerteqquteqarneq ukioq taanna atorunnaarsinneqarpoq, peqqussutip nutaap nalunaarutigimmagu imigassat 15 %-it sinnerlugit imigassartallit taamaallaat inerteqqutaalersut<sup>73</sup>. Suliassaqarfimmi inatsisiliorneq tamatuma kingorna allanngoqqinnikuvoq, aamma imigassanik tuniniaanerit aamma sassaalliteqarnerit maannakkut Savissivimmi inerteqqutaavoq, massa Qaanaami, Qeqertani aamma Siorapalummi imigassanik 15 %-inik sakkukinnerusunik tuniniaanissaq aamma sassaalliteqarnissaq kisimi inatsisinik naapertuinerusoq<sup>74</sup>.

## 11.4 Eqimattakkaat mianernartut

Mianernassuseq pissutsinut soorlu peqqinnginnermut, ilinniarsimanginnermut imaluunniit ilinniarnikinnermut aamma suliffissaaleqinnermut akuttunngitsumik attumassuteqartarpoq aamma pissuteqartarpoq.

Peqqissutsimik misissuineq Qaanaap eqqaani (Avanersuarmi) 2010-mi ingerlanneqarsimavoq, taanna inerniliivoq, tunngaviusumik paasisutissanik misissuineri matumani paasineqartut assingisut, tassa Qaanaami ilinniarsimaneq Kalaallit Nunaata sinneranut naleqqiullugu appasinnerusoq. Kalaallit Nunaata

<sup>71</sup> (Almbjerg & Nielsen, 2007)

<sup>72</sup> Qaanaap Kommuniani imigassanik aalakoornartulinnik nioqquteqartannginnissaq aamma imigassanik 2,25% sinnerlugu aalakoornartortalinnik sassaallertoqartannginnissaa pillugu Namminersornerullutik Oqartussat nalunaarutaat nr. 6, 10. maj 2007-imeersoq.

<sup>73</sup> Qaanaap Kommuniani imigassanik 15% sinnerlugu aalakoornartortalinnik nioqquteqartannginnissaq sassaallertannginnissarlu pillugit Namminersornerullutik Oqartussat nalunaarutaat nr. 11, 20. juni 2007.

<sup>74</sup> Qaasutsup Kommuniani imigassanik aalakoornartortalinnik nioqquteqartarneq sassaallertarnerlu pillugit Namminersorlulit Oqartussat nalunaarutaat nr. 26, 4. november 2016-meersoq.

sinneranut naleqqiullugu marloriaammik amerlanerusut piniartutut imaluunniit aalisartutut inuusut aamma ineqarnermi pissutsit ajornerusut. Pisuussutit aamma isertitat Avanersuarmit nunap sinneranut naleqqiullugit appasinnerusimapput. Saniatigut, misissuinermit peqataasut ilarpassui imigassamik ajorneqartorsiuteqarsimapput imaluunniit meeraanermit angerlarsimaffimmini persuttaanermit misigisaqarsimapput. Taakkua saniatigut, peqataasut arlallit (ingammik arnat), nalunaarput kinguaassiuutitsigut atonerlunneqarsimallutik<sup>75</sup>. Ataqtigiissikkaanni tamanna isumaqarpoq Qaanaami nunaqarfinnilu innuttaasut amerlanerit mianernartutut isigineqartariaqartut, Kalaallit Nunaata sinneranut naleqqiukkaanni.

2018-imi juuni Meeqqat Inuusuttullu Oqaloqatiginnittarfiat (MIO) Qaanaamut tikeraarsimavoq Qaanaami meeqqanut atugassarititaasut misissuiffiginarlugit. MIO-p tikeraarneq pillugu nalunaarussiaq naammassimavaa, inerniliillunilu, NP-imi Meeqqat Piginnaatitaaffii pillugit Isumaqatigiisummi immikkoortortat 18-it unioqqutsinneqarsimasut. Ajornartorsiutit takuneqartut ilaat ataaseq tassaasimavoq meeqqanut atonerlunneqarsimasunut imaluunniit allatigut sumiginnarneqarsimasunut ikiuinermit amigateqarneq. Qaanaami aamma ajornartorsiutit soorlu, meeqqanut kinguaassiuutitigut pinerluuteqarnermit, imigassamik atonerluinermit, inersimasut akornanni aningaasanoornermit uerinermit, meeqqat akornanni liimmimik ikittaatillu gassiinik naamaarnermit, meeqqanillu persuttaanermit aamma tarnikkut atonerluinermit ajornartorsiuteqarpoq<sup>76</sup>.

## 12 Ataqtigiinnermut aqqissuussinerit

### 12.1 Assartuineq

Qaanaaq Kalaallit Nunaanni sumiiffiit tikikkuminaannerpaat ilagaat, nunarsuarmit inissisimanagera pissutigalugu. Qaanaaq mittarfeqarpoq sapaatip akunneranut ataasiarluni, Upernavik aqputigalugu Ilulissanut timmisartorneqartoq, Air Greenlandip timmisartui Dash-8-t aqqummi timmisartortuupput annerpaamik ilaasunut 37-nut inissaqartut. Qaanaamut Qaanaamillu timmisartorneerit akisupput, aamma Qaanaami innuttaasut amerlanersaat taakkuninga atuissallutik akissaqanngillat<sup>77</sup>.

Qaanaaq iluamik umiarsualiveqanngilaq, pissutigalugu umiarsualiviliorneq ikkarloqarnera pissutigalugu ajornakusoormat. Juuli aamma septembarip akornanni Qaanaaq umiarsuarmit tikkineqarsinnaavoq aamma Royal Arctic Line illoqarfimmut assartuisarpoq. Umiarsualiveqannginnera pissutigalugu usit prammitt angisuut atorlugit usilersuunneqartariaqarput aamma niooqarneqartariaqarput. Angallammik usingiarneq aamma usilersorneq taamaammat ullut arlallit ingerlasinnaavoq.

Qaanaap iluani angalanermut angallatit pingaarnersaraat qimussit aamma angallatit motoorillit. Aasakkut eqqaani nunaqarfinnut umiatsiamik angalasoqarsinnaavoq, kisianni ukiukkut taamaallaat qamuterallannik, qulimiguulimmik imaluunniit qimussimik angalasoqarsinnaavoq<sup>78</sup>.

---

<sup>75</sup> (Bjerregaard & Dahl-Petersen, 2011)

<sup>76</sup> (Meeqqat pisinnaatitaaffii pillugit sullissivik, 2018)

<sup>77</sup> (Hendriksen & Hoffmann, 2016)

<sup>78</sup> (Qaasuitsup Kommuniaanut Pilersaarut 2014-2016)

## 12.2 Innaallagissamik pilersuineq

Qaanaap illoqarfia dieselimik ingerlanneqartumik innaallagissiorfeqarpoq, taanna illoqarfimmut innaallagissamik pilersuisuuvoq. Illoqarfik aamma ajornartoornermi innaallagissiorfeqarpoq. Qaanaap kitaatungaa uuliatortumik kiassaateqarfeqarpoq, massa illoqarfiup sinnera innaallagissamik kiassaatinik aamma innaallagissiorfiup kissarnerata sinneranik pilersorneqartog.

Qeqertani innaallagissiorfeqanngilaq. Nunaqarfimmi illut ilaat innaallagissiornissamut sarfaliuteqarput, aamma kiassarneq paraffinimik kiassaait imaluunniit kissarsuutit uuliatortut atorlugit pilersinneqartarpoq. Qaanaami nunaqarfiit allat marluk Savissivik aamma Siorapaluk, tamarmik innaallagissiorfeqarput aamma kiassarneq paraffinimik kiassaait kissarsuutillu uuliatortut atorlugit pilersinneqartarpoq<sup>79</sup>.

Akuersissuteqarfimmi innaallagissiorfeqanngilaq.

## 12.3 Imissaq

Qaanaami imermik pilersuineq, aasakkut nunap qaavani imermik ukiukkullu kangerlummi ilulissanit sikumik aatsitsinermik tunngaveqarpoq. Imermik pilersuineq ruujorit ataqatigiiat kiffiutillit innaallagissamik kissassikkat aqqutigalugit, biilit imermik assartuutit aamma imertartarfiit atorlugit pisarpoq. Pilersuineq piffissat ilaanni naatsorsuutigineqarsinnaaneq ajorpoq, kisianni illoqarfiup pisariaqartitaannik naammassinnittarpoq. Inuit ataasiakkaat imermik pisariaqartitaat naammassiniarlugit aamma nalinginnaavoq sikumik aallertarneq.

Nunaqarfiit pingasut Qeqertat, Savissivik aamma Siorapaluk qitiusumik imermik pilersorneqanngillat. Taamaammat imermik pisariaqartitsineq naammassineqartarpoq, inuit tamarmik aasakkut nammineq imissaminnik aamma ukiukkut sikumik aatsitassaminik aallertarneratigut<sup>80</sup>.

## 12.4 Nalunaarasuartaatigut attaveqarneq

TELE Greenlandip Qaanaap illoqarfiani, Savissivimmi aamma Siorapalummi nalunaarasuartaatikkut atassuteqarnerit isumagisarpai. Qeqertat oqarasuartaatikkut aamma internettikkut attaveqanngillat. Nunaqarfik batteriitortumik silaannakkut attaveqarfeqarpoq aamma kommunip pigisaanik radiukkut oqarasuaateqarpoq<sup>81</sup>. Qaanaami, nunaqarfinni aamma akuersissuteqarfimmi nalunaarasuartaatikkut atassuteqarnermi aaqqissuussinerit qaammataasat aqqutigalugit ingerlanneqartarpoq, imaani kabelikkuunngitsog soorlu Kalaallit Nunaata annersaani taamaattoq.

---

<sup>79</sup> (Qaasuitsup Kommunianut Pilersaarut 2014-2016)

<sup>80</sup> (Qaasuitsup Kommunianut Pilersaarut 2014-2016)

<sup>81</sup> (Qaasuitsup Kommunianut Pilersaarut 2014-2016)

## 13 Najoqqutassat

- Akilerartarneq atugarissaarnerlu pillugit Isumalioqatigiissitaq. (2010). *Kalaallit Nunaanni ineriartorneq atugarissaarnerlu qanoq qulakkeerneqarsinnaappat? Tunngavissiatut nalunaarusiaq.*
- Almbjerg, S.-I., & Nielsen, J. B. (2007). *Da børneteateret tørlagde Qaanaaq*. Uani aaneqarpoq Berlingske: <https://www.berlingske.dk/kultur/da-boerneteateret-toerlagde-qaanaaq>
- Aningaasaqarnermut Akilerartarnermullu Naalakkersuisoqarfik. (2017). *Aningaasaqarnikkut Ingerlatsineq pillugu Nalunaarut 2017.*
- Avannaata Kommunia. (2018). *QAANAAQ: Inuusuttut kajumissutisiminnik pitsaaliueqataasut*. Uani aaneqarpoq Avannaata Kommunia.
- Bjerregaard, P., & Dahl-Petersen, I. K. (2011). *Avanersuarmit peqqissusaannik misissuineq 2010*. København: Statens Institut for Folkesundhed.
- Dahl-Petersen, I. K., Larsen, C. V., Nielsen, N. O., Jørgensen, M. E., & Bjerregaard, P. (2016). *Kalaallit Nunaanni Innuttaasut Peqqissusaannik Misissuisitsineq 2014, Inuunermi atugassarititaasut, inooriaaseq peqqissuserlu.*
- Danmarks Miljøundersøgelser. (2003). *Marin recipientundersøgelse ved Thule Air Base 2002, Faglig rapport fra DMU, nr. 449.*
- Danmarks Statistik. (n.d.). Uani aaneqarpoq <https://www.dst.dk>
- Fraser Institute. (2018). *Fraser Institute Annual Survey of Mining Companies 2017.*
- Grønlands Politi. (n.d.). *Årsstatistik 2017.*
- Greenland Ruby. (2017). *Press Release*. Uani aaneqarpoq Greenland Ruby: [http://greenlandruby.gl/pr\\_170511.html](http://greenlandruby.gl/pr_170511.html)
- Greenland Ruby. (2018). *Monitorerings og evalueringsrapport 2017 i relation til IBA-aftalen.*
- Hendriksen, & Hoffmann. (2016). *Qaanaaq Distrikt – infrastruktur og erhvervsgrundlag: Sammenfatning af pilotprojekt om lokal baseret erhvervsudvikling*. Center for Artisk Teknologi.
- Hudson Resources Inc. (n.d.). *Mining the Way to Green Products*. Uani aaneqarpoq Hudson Resources inc.
- Isumaginninnermut, Ilaqutariinnut, Naligiissitaanermut Inatsisinillu Atuutsitsinerlut Naalakkersuisoqarfik. (2018). *Piitsuussuseq Naligiinnginnerlu, Naligiinnginneq piitsuussuserlu kiisalu piitsuussutsimut killiliussassamik nunatsinni aalajangiussinissamut periarfissat pillugit nassuiaat*.
- Kalaallit Nunaanni Kisitsisit. (2018). *Kalaallit Nunaanni Kisitsisit 2018.*
- Kalaallit Nunaanni Naatsorsueqqissaartarfik. (n.d.). *Kisitsisaataasivik*. Uani aaneqarpoq Kalaallit Nunaanni Naatsorsueqqissaartarfik:

<http://bank.stat.gl/pxweb/kl/Greenland/?rxid=c88d70a4-37fe-4ce5-9715-e17377e8b8ea>

Kalaallit Nunaanni Teknikimik Ilinniarfik (KTI). (2019, March 12). Uani aaneqarpoq <https://www.kti.gl/da/om>

Kamikposten. (2010, December 8). *Kamikposten*. Uani aaneqarpoq Sidste mand lukker og slukker: <http://www.kamikposten.dk/global/maskinrum/rutine/leksikon.aspx?tag=emne&folder=hvadermeningen&prog=da&punkt=Bygder&soegestreg=&udvalgt=20101208160523be4>

Kleist, K. V., & Knudsen, R. (2016). *Sitting on gold - a report on the use of informally acquired skills in Greenland*. University of Copenhagen and Ilisimatusarfik.

KNR. (2009, December 26). *Kalaallit Nunaata Radioa, Greenland Broadcasting Corporation*. Uani aaneqarpoq Nunaqarfinnik matooraaniartoqassagaluarpat IA-mut tulluarnaviangilaq: <https://knr.gl/kl/nutaarsiassat/juaaka-lyberth-nunaqarfinnik-matooraaniartoqassagaluarpat-ia-mut-tulluarnaviangilaq>

(n.d.). *Landslægeembedets årsberetning 2016*.

Meeqqat pisinnaatitaaffii pillugit sullissivik. (2018). *Meeqqat Illersuisuata angalanerminit nalunaarusiaa Qaanaaq, juni 2018*.

Naalakkersuisut a. (n.d.). *Advanced exploration projects*. Uani aaneqarpoq Naalakkersuisut: <https://www.govmin.gl/en/mining-and-exploration-projects/advanced-exploration-projects>

Naalakkersuisut. (2009, September 24). *Naalakkersuisut*. Uani aaneqarpoq Ataatsimiinnernit imaqarniliat 10. september 2009: [https://naalakkersuisut.gl/kl-GL/Naalakkersuisut/Moeder-for-Naalakkersuisut/Meeting-Records/2009/09/10\\_09\\_2009](https://naalakkersuisut.gl/kl-GL/Naalakkersuisut/Moeder-for-Naalakkersuisut/Meeting-Records/2009/09/10_09_2009)

Naalakkersuisut b. (n.d.). *Producing Mines*. Uani aaneqarpoq Naalakkersuisut: <https://www.govmin.gl/en/mining-and-exploration-projects/producing-mines>

(n.d.). *Nunatsinni nakorsaaneqarfimmit ukiumoortumik nalunaarusiaq 2017*.

Nunatta Katersugaasivia Allagaateqarfialu. (2018). *Moriusaq Archaeological Survey 2018*.

*Qaasuitsup Kommunianut Pilersaarut 2014-2016*. (n.d.). Uani aaneqarpoq [http://qaasuitsup-kp.cowi.webhouse.dk/gl/illoqarfiit\\_nunaqarfiillu\\_pilersaarutaat/qaanaaq/](http://qaasuitsup-kp.cowi.webhouse.dk/gl/illoqarfiit_nunaqarfiillu_pilersaarutaat/qaanaaq/)

Rosa, A. (2017). *Meeqqat 3000-it atornerlugaasut. 110-ginnaat ukiut tallimat iluanni unnerluussaasut dømte på fem å*. Uani aaneqarpoq Sermitsiaq-AG: <https://sermitsiaq.ag/kl/meeqqat-3000-it-atornerlugaasut-110-ginnaat-ukiut-tallimat-iluanni-unnerluussaasut>

Royal Greenland A/S. (2018). *Qaanaami aalisarneq tunisassioernerlu siuariartuinnaq*. Uani aaneqarpoq Royal Greenland.

- Saammaateqatigiinnissamut Isumalioqatigiissitaq. (2017). *Det grønlandske sprog i dag - rapport over det grønlandske sprog, standpunkt og anbefalinger.*
- Sæhl, M., Kirk, T., & Veihe, B. (2018). *Hans er hjemløs i Grønland: Det er verdens værste sted at være hjemløs.* Uani aaneqarpoq DR:  
<https://www.dr.dk/nyheder/indland/valgigroenland/hans-er-hjemloes-i-groenland-det-er-verdens-vaerste-sted-vaere>
- Sermitsiaq AG. (2009, July 30). *Sermitsiaq AG.* Uani aaneqarpoq To indbyggere tilbage i Moriusaq: <https://sermitsiaq.ag/node/69913>
- Statens institut for Strålebeskyttelse. (2011). *Thule Ajunaarneq: Thulemi Nunap qinngornernik ulorianartunik qanoq annertutigisumik mingutsinneqarsimaneranik naliliineq.* Sundhedsstyrelsen.
- SUNNGU Kalaallit Nunaata ilinniakkanut najoqqutassiaa. (2019, March 12). Uani aaneqarpoq <https://sunngu.gl/kl-GL/Opkvalificering/Kurser/AMA>
- Sunngu, Kalaallit Nunaata ilinniakkanut najoqqutassiaa. (n.d.). *Ilinniarfiit.* Uani aaneqarpoq Sunngu, Kalaallit Nunaata ilinniakkanut najoqqutassiaa.